

Revelation

Jidii Vit'eegwiyahchy'aa Saint John Vats'a' Gwigweelkij

1 ¹ Jesus Christ deegweheenjyaa nyaq t'ee jii dehtly'aa zhit gwadanakhwat'oo: Ninghit kwaa deegweheenjyaa goo'ain, aji vitsyaa gwik'injiighit naji ts'a' gwagwahahchy'aa geenjit. Vit'eegwiyahchy'aa, Jesus ts'a' vigweelkij. Christ, jii kwaii vitsyaa shij John gaaheendaii geenjit dizheekat gwich'in yits'a' hi'ee, ² ts'a' shij John jidii gwah'ya' datthak geegwildak. Jii t'ee Vit'eegwiyahchy'aa vats'an gwandak gwadanoiit'oo ts'a' Jesus Christ vats'an hi'deegwidlii t'oonchy'aa. ³ Juu jii dehtly'aa nah'in ts'a' deegweheenjyaa gwinyaq gwiitth'ak ts'a' gwik'it dinjii nilii naji shoo ooli! Jii deegweheenjyaa gwinyaq t'ee gwats'a' nahgwan t'oonchy'aa.

Tr'igiinkhii Zeh 7 Najj Nakhwadiveegoozu'

⁴ Asia nahkat gwizhit tr'igiinkhii zeh 7 najj, John nakhwats'a' ch'adaqant'oo:

Juu Vit'eegwiyahchy'aa nilii, Vit'eegwiyahchy'aa inli' ts'a' Vit'eegwiyahchy'aa ndaanaj'aj' kwaa nilii, ts'a' k'eedeegwaadhat nilii ts'a' yakat doodii (throne) ehdaa gwats'an ch'anky'aa seven najj ts'an ch'eegoonzhrii ts'a' tsinehdan nakhwaa ooli!, ⁵ ts'a' Jesus Christ, juu gwah'ya' ts'a' hi'deegwidlii haa geegwaandak, chan vats'an. Juu tr'ookit niindhat gwats'an neegwiindaii ts'a' dzaa nankat k'eedeegwaadhat najj datthak ts'a' k'eedeegwaadhat nilii.

Diineenjit ch'eet'igwiniindhan di'ij ts'a' diitr'agwaanduu ts'an tr'eereheedaa geenjit nihk'ataa'ee (cross) kat tr'iikhwajj.

⁶Jesus, K'eegwaadhat Veegwiniie'ee gwiginkhii diiniłtsajj, Viti' Vit'eegwijyahchy'aa vitsyaa tr'ihelyaa geenjit. Jesus Christ vats'a' ch'eegoonzhrij ts'a' t'aih haa khit ts'a' khit geenjit gooli'! Amen!

⁷Zheek'oh kat k'iidaq heekhaa noh'in!

Juu najj datthak yahah'yaa,
juu yaagwat najj gaa t'arahnyaq.

Dzaa nankat dinjii najj datthak giyeenjit tr'igwiheedii.

Ajjt'ee gwik'it gweheelyaa t'oonchy'aa!

⁸“Shij t'ee tr'ookit ts'a' khaiinkoo haa ihlii!” K'eegwaadhat Vit'eegwijyahchy'aa jiintsii jyaa nyaq, ajjt'ee Vit'eegwijyahchy'aa nilii, Vit'eegwijyahchy'aa inli' ts'a' Vit'eegwijyahchy'aa ndaanaq'aj' kwaa nilii.

Christ Vigwiilkij

⁹Shij t'ee nakhwagwik'injigwiighit zhit nakhoondee John t'inchy'aa ts'a' Jesus vataj ihshyaa haa nakhwaa khai'gwidlii khaiinjich'ashighit akhagoihnyaq kwaa. Jii kwaii t'ee juu Jesus Veegwiniie'ee gwats'an nilii najj jyaa digii'in. Vit'eegwijyahchy'aa viginjik ts'a' jidii hi'deegwidlii Jesus gwigweekij eegwaldak geh'an Patmos njuu kat deeshirilchij t'oonchy'aa. ¹⁰Ch'ihlan Drinzhit, Ch'anky'aa Shroodiinyaq shizhit t'iizhit ts'a' deesho'ya' shoonyaq datthak gwik'it t'ishi'in ts'a' shant'ii, gwideezhuh gwint'aii trumpet k'it hahchik gwiitth'ak. ¹¹Ajj jyaa nyaq, “Jidii gwah'in gwidiint'oo ts'a' ajj dehty'aa, jii kwaiik'it gwachoo seven gwizhit tr'igiinkhii zheh gwats'a' niinlii: Ephesus, Smyrna, Pergamum, Thyatira, Sardis, Philadelphia, ts'a' Laodicea.”

¹²Juu shats'a' ginkhii li' geenjit an-nool'ee ts'a' gwał'in akhai' khwaiidaak'a' vakat doo'aii seven, gold haa iltsajj nał'in, ¹³ts'a' gwitee gwa'an jii nankat gwidinji' k'it viyiichy'a' nał'in, ch'adak ik vakwaiichan naa'aj' naazhii ts'a' gwach'aa gold k'it t'inchy'aa vidrihtsii nilt'aii. ¹⁴Vikiighai' divii (wool) ghai' akwat zhah k'it daagajj ts'a' vandee ko' daak'a' k'it ch'ahndit. ¹⁵Vakwai' chan ch'iitsii (brass) shroodiinyaq ts'a' vach'arahjik haa ch'ahdok k'it viyiichy'a', ts'a' videezhuh, ddhah ts'an chuq gwint'aii ninlaii k'it hahchik. ¹⁶Danli' shriits'ajj haa sa' seven oota' ts'a' viyik gwats'an shriichoo nits'ii veek'i' gwanlii tr'aanaii. Drint'an shree nee'aa k'it vinin ch'ahndit.

¹⁷Nijin nał'ya' daj', dinjii ilchij k'it vakwaiichan nat'aalnaajj. Danli' shriits'ajj haa shakal naanjik ts'a' t'inyaq, “Noonjat shro'! Shij t'ee

tr'ookit ts'á' khaiinkq̄q̄ haa ih̄ii!" shahnyáq̄. ¹⁸Shij̄ t'ee khit gwandaii t'ihchy'aa! Niidhat gaa juk khit ts'á' khit geenjit gwij̄hdaii. Ch'ich̄i' ts'á' dzaa nankat niidhat naj̄i datthak ts'á' k'eedeegwaldhat. ¹⁹Juk k'eegwiichy'aa gwah'in ts'á' yeendaa k'eegwiichy'aa t'igweheenjyaa gwah'in kwaii datthak digwiint'oo. ²⁰Dzaa shriits'aj̄i shanli' kat sá' 7 oihta' aj̄i deegwinyáq̄ t'igwinyáq̄ nagwarah'ij̄i aj̄i gaanahandaii geenjit, ts'á' zhit gold khwaiidaak'a' vakat doo'aii 7 chan: zhit sá' 7 t'ee tr'igiinkhii zheh 7 gwats'an zheekat gwich'in t'inchy'aa, ts'á' zhit khwaiidaak'a' vakat doo'aii t'ee tr'igiinkhii zheh 7 t'inchy'aa.

**Ephesus Kwaiik'it Gwachoo gwizhit Tr'igiinkhii
Zheh Eenjit Gwadanakhwat'oo**

2 ¹"Jii t'ee Ephesus kwaiik'it gwachoo gwizhit tr'igiinkhii zheh gwizheekat gwich'in eenjit danakhwat'oo:

"Jii ginjik t'ee juu danli' shriits'aj̄i sá' (7) oota' ts'á' zhit gold khwaiidaak'a' vakat doo'aii (7) kwaii tee gwa'an neehidik vats'an t'inchy'aa. ²Deekhwazhit nakhwaashandaii t'oonchy'aa, deegwaht'oo gwitr'it t'agwah'in ts'á' deegwaht'oo khai'gwidlii q̄h̄ij̄i nakhwaashandaii. Dinjii tr'aanduu naj̄i tr'ohdaii ts'á' juu Tr'ih̄i'e' ih̄ii ginyáq̄ naj̄i li'deegidlii ji' geenjit gook'q̄q̄htii, gaa deeginyáq̄ aj̄i gwik'it t'iginchy'aa kwaa lee, ts'á' goots'it gook'oonjik. ³Khai'gwidlii q̄h̄ij̄i, sh̄eh'an khaiinjich'akhwaghit gaa deekhwa'in akhagohnyáq̄ kwaa.

⁴Gaa jii t'ee gwiizq̄q̄ t'akhwa'ya' nakhwaihnyáq̄: Tr'ookit sheet'q̄h̄than aj̄i gwik'it juk sheet'q̄h̄than kwaa. ⁵Deegwahthee neet'oonaj̄i gininjich'ohthat! Nakhwatr'agwaanduu ts'an an-needq̄q̄'ee ts'á' tr'ookit gwik'injohkhit daj̄i deekhwazhit gwik'it t'akhwa'in. Nakhwatr'agwaanduu ts'an an-needq̄q̄'ee kwaa ji' nakhwats'á' hihshyaa ts'á' nakhwakhwaii daak'a' vakat doo'aii nijin dhoh'aj̄i gwats'an oohihdal t'oonchy'aa. ⁶Gaa jii t'ee gwinzii t'akhwazhit: Nicolaitans deegii'in lyaa zhyaa geet'iihthan kwaa gwagwaht'oo nakhwant'ee lyaa zhyaa geet'ohthan kwaa aj̄i gwinzii.

⁷"Nakhwadzee gwanlii ji', Ch'an̄ky'aa Shroodiinyáq̄ tr'igiinkhii zheh kwaii dahnyáq̄ gwadoq̄hk'ii!

Juu gwik'injigwiighit zhit gaiiyigwiłtsaj̄i naj̄i zheekat gwizhit Vit'eegwijyah̄chy'aa vagwanzh̄ih deek'it dachan kat jak khit vaagwarandaii nahshii ts'an ch'igihee'aa t'oonchy'aa."

Smyrna Eenjit Gwadanakhwat'oo

8 “Smyrna kwaiik'it gwachoo gwizhit tr'igiinkhii zheh gwizheekat gwich'in eenjit danakhwat'oo:

Jii dęhtly'aa t'ee juu tr'ookit ts'a' khaiinkqoq nilii ts'a' niindhat ts'a' chan hee neegwiindaii vats'an t'inchy'aa. 9 Nakhwaa gwiizų ts'a' nakhwaa gwagwantrii nakhwaashandaii gaa łyaa gwintsii nakhweegoo'aii t'oonchy'aa. Zhit juu Jews ihłii nyąą nąii Jews ginłii kwaa gaa t'iginyąą ąii nąii tr'agwaanduu nits'i' t'inchy'aa haa neegiginkhii gaashandaii t'oonchy'aa. Dinjii ęęii khaihłok Satan eenjit gwitr'it t'agwah'in nąii, t'igiinchy'aa. 10 Khaiinjich'ineheeghit geenjit noojat shro'! Ch'oodqohk'ii! Ch'anky'aa Tr'aanduu shroondaii zhee gwaazhraii nanahkwaheelyaa ts'a' drin (10) gahkhyuk datthak nakhwaa gweheezų t'oonchy'aa. Sheenjit nakhohthaa ji' gaa nihk'it shik'injuhkhit, ąii't'ęę gwandaii ndaanaą'ąi' kwaa gaiiıidhohtsąii nakhwant'eeh'aa t'oonchy'aa.

11 Nakhwadzee gwanlıi ji', zhit Ch'anky'aa Shroodiinyąą tr'igiinkhii zheh kwaii dahnyąą gwadoqhk'ii!

Juu gaiiıigwıłtsąii nąii duuyeh ndaanaą'ąi' kwaa haa chan hee nigighit t'oonchy'aa. (Van kq' daak'a' t'ee second time nigindhat t'oonchy'aa.)”

Pergamum Kwaiik'it Gwachoo Eenjit Gwadanakhwat'oo

12 “Pergamum tr'igiinkhii zheh gwizheekat gwich'in diiyaant'oo:

Jii dęhtly'aa t'ee zhit juu shrii choo veek'i' neekwaii gwanlıi ootą' vats'an t'inchy'aa. 13 Nijin Satan gwats'a' k'eedeegwaadhat ąii zhit gohch'ii nakhwaashandaii. Izhit dinjii Antipas oozhii deeshi'yaa gwah'ya' ts'a' h'ideegwidłii haa geegwaandak zhat giłkhwąii dąi' gaa nihk'it shats'a' h'idohtłii ts'a' nakhwagwik'injigwiighit akhohnyąą kwaa.

14 Gaa jii kwaii t'ee gwiizų t'akhwazhit nakhwaihnyąą: nakhwatee nakhwalak nąii jidii Balaam geech'agwąąhtan k'it gwagwandaii, ąii't'ee nats'ahts'a' Israel gwich'in nąii, jidii shih ch'ik'itiltsi' ts'a' ataiinjii gahtsii ąii gihee'aa ts'a' juu eegaadii kwaa haa giłchų haa tr'agwaanduu googwitr'it gweheelyaa geenjit jyąhts'a' dinjii Balak goołtin

t'inchy'aa. ¹⁵Ajji gwik'it nakhwatee dinjii lat najji Nicolaitans nats'ahts'a' geech'agwaqhtan gwik'it gwagwandaii.

¹⁶Nakhwat'lagwaanduu gwats'an an-needoq'ee! Ajji gwik'it t'akhwa'in kwaa ji' niighit kwaa ji' nakhwats'a' hihshyaa ts'a' shighit gwats'an shrii choo veek'i' neekwaii gwanlii haa nich'itsahakthat t'oonchy'aa.

¹⁷Nakhwadzee gwanlii ji' Ch'anky'aa Shroodiinyaq tr'igiinkhii zeh kwaii dahnyaq gwadoqhk'ii:

“Zhit juu gwik'injigwiighit zhit gaiiyiigwiitsajji najji.

Manna geegoh'ik dhidlii lat goovant'eehaachaa ts'a' gooteegwagwaanchy'aa ts'a' kii daagajji kat goovoozhri' k'eejit adan zhr̄ih veenjit danakhwat'oo goovant'eehih'aa t'oonchy'aa.”

Thyatira Kwaiik'it Gwachoo Eenjit Gwadanakhwat'oo

¹⁸“Thyatira kwaiik'it gwachoo gwizhit tr'igiinkhii zeh gwizheekat gwich'in eenjit danakhwat'oo:

Jii gwandak t'ee Vit'eegwijyahchy'aa Gwiti', vandee ko' k'it ch'ahndit ts'a' vakwai' brass ch'ahdok k'it t'inchy'aa. ¹⁹Deekhwa'in nakhwaashandaii. Nakhweech'eet'igwiniindhan, shik'injuhkhith akhagohnyaq kwaa, sheenjit gwitr'it t'agoh'in ts'a' hi'didlii shaa qh̄jji nakhwaashandaii. Tr'ookit shik'injuhkhith daj̄i' deekhwa'ya' ajji andaa t'akhwa'in nakhwaashandaii.

²⁰Gaa jii t'ee gwiizuu t'akhwa'in nakhwaihnyaq: Tr'injaa Jezebel doo'ya' nindhan datthak gwik'it t'ini'in zhyaa noh'in, Vit'eegwijyahchy'aa eenjit ginkhii adaanyaq. Sheenjit gwitr'it t'agwah'in najji juu gooveedhidii kwaa haa gīlchuu ts'a' shih, ch'ik'itiltsi' ts'a' ataiinjii gahtsii chan ga'aa ajji geegoovaqhtan k'it t'igihee'yaa geenjit tsinteegoovahkaii.

²¹Datr'agwaanduu gwats'an an-neehee'ee geenjit jyaa vaihnyaq gaa juu yeedhidii kwaa haa dhichij̄i ajji akhagoonyaq giitr'ii'ee. ²²Ajits'a' ajji tr'injaa ts'a' juu yeedhidii kwaa haa dhichij̄i najji khaiinjich'igiheeghit geenjit ajji chekhit gwats'a' t'ee goohāldhal. Jii juk gwik'it t'ishi'yaa, jidii Jezebel haa tr'agwaanduu googwitr'it gwanlii akhagagoonyaq ji' gwizhr̄ih nakwaa. ²³Juu yaagwitr'it t'agwah'in najji datthak goovehdaa tr'igwihih'aa, ajji ji' t'ee tr'igiinkhii zeh kwaii datthak, shij̄i t'ee nats'ahts'a' ninjich'agadhat ts'a' k'eegwiichy'aa gwishi'ij̄i ji' giindhan gaashandaii gaagehendaii. Nats'aq googwitr'it

gwiinli' gwik'it gooteegwagwaanchy'aa ts'a' goots'an gwahałtsyaa t'oonchy'aa.

24 Gaa Thyatira kwaiik'it gwachoo gwizhit gah dinjii naji tr'agwaanduu geech'agwaahtan gwik'it nakhwagwitr'it gwiinli' kwaa; Satan jidii gwintsii gwizhit nagwah'i'i aji gaakhwandaii kwaa. Chan duuyeh jidii gwagwanrii t'akhwa'ya' nothan kwaa nakhwats'an gwałtsii nakhwahaihyaa kwaa. 25 Gaa jidii akhwa'i'i, aji k'ineeheedik gwats'a' gwint'aii ohta'.

26-28 Zhit juu gwik'injigwiighit zhit gaiiyigwiłtsajii naji ndaagwaa'aji' gwats'a' datthak deegoo'ya' goovohnyaa naji, Shiti' vats'an t'aih shii'i'i aji goovant'eehih'aa: nahkat gwats'a' k'eedeegwagwahaadhat goovant'eehih'aa, ch'iitsii ts'injyaa haa gwats'a' k'eedeegwagwahaadhat ts'a' tyah łuh ch'ant'at haa iltsajii tr'akhal ts'a' ch'aazhoo k'it t'igiheenjyaa. Sa' vanh nee'aa chan goovant'eehih'aa gaiiyigwigwiłtsajii gwigweheechy'aa geenjit.

29 Nakhwadzee gwanlii ji', Ch'ankey'aa Shroodiinyaa tr'igiinkhii zheh kwaii dahnyaa gwadqohk'ii!"

Sardis Kwaiik'it Gwachoo Eenjit Danakhwat'oo

3 1 "Sardis kwaiik'it gwachoo gwizhit tr'igiinkhii zheh gwizheekat gwich'in eenjit danakhwat'oo,

Jii ginjik t'ee zhit juu Vit'eegwijyahchy'aa vats'an ch'ankey'aa 7 di'i'i ts'a' sa' 7 ts'an t'inchy'aa. Deekhwa'in nakhwaashandaii; lyaa shik'injuhkhith k'it t'akhwa'in gaa sheenjit gwitr'it t'agoh'in kwaa. 2 Khakeekhwa'ajii ts'a' nakhwagwik'injigwiighit an heelyaa gwehkijii niint'aii nohtsii. Aji deekhwa'ya', Vit'eegwijyahchy'aa vandee ts'a' gehdaa tr'oojik kwaa t'oonchy'aa. 3 Jidii geenakhwaroołtin ts'a' gohtth'ak kwaii datthak gaanoondaii; aji gwik'eegahohthat ts'a' nakhwat'agwaanduu ts'an an-needq'ee. Jii gwats'a' khakeekhwa'ajii kwaa ji', dinjii ch'iheen'i'i geenjit neech'ahaan'ik gwik'it nakhwaneech'ahal'yaa ts'a' aji nijin ji' t'ishi'yaa gaakhwandaii kwaa t'oonchy'aa.

4 "Gaa Sardis kwaiik'it gwachoo gwizhit, nakhwalat naji zhrh nakhwagwach'aa daagajii oh'i'i, tr'agwaanduu nakhwagwitr'it gwanlii kwaa geh'an. Aji nakhwagwach'aa daagajii haa shaa oh'al, jyaa dagwaht'oo nakhweegoo'aii

geh'an. ⁵Zhit juu gwik'injiighit zhit gaiiyiigwiłtsajjı najjı t'ee gwach'aa daagajjı shroodiinyaq nahaazhyaa, ts'a' duuyeh dehtly'aa zhit khıt gwandai ndaanaq'ajjı kwaa gihee'yaa geenjit goovoozhri' danakhwat'oo ts'an goovoozhri' gihleehih'ajjı. Shiti' ts'a' vizheekat gwich'in najjı andah shats'an giinlii goovahaihjyaa t'oonchy'aa.

⁶“Nakhwadzee gwanlii ji' jii Ch'ankey'aa Shroodiinyaq ajjı tr'igiinkhii zheh najjı dahnyaq gwadoqhk'ii!”

Philadelphia Kwaiik'it Gwachoo Eenjit Danakhwat'oo

⁷“Philadelphia kwaiik'it gwachoo gwizhit tr'igiinkhii zheh gwizheekat gwich'in eenjit danakhwat'oo:

Jii ginjik t'ee zhit juu shroodiinyaq ts'a' hi'didlii nilii ajjı vats'an t'inchy'aa. Yeenii King David vilidlii khalzhii, ts'a' nijin gindeiinvyaa gich'idiintin ji' duuyeh ch'ihlee gaa anganahjii, ts'a' nijin anganahjik ji', duuyeh ch'ihlee gaa geech'adanchii. ⁸Deekhwa'in nakhwaashandai; t'aih natsal zhrıh akhwa'ijjı, jidii geenakhwaaltan k'it gohdai ts'a' shaakhwandai kwaa chan dohnyaq kwaa nakhwaashandai. Gindeiinvyaa nakhwandah gehdeintin, ajjı ch'ihlee gaa duuyeh anyinahjii reh. ⁹Ch'oodoqhk'ijjı! Ajjı dinjii lejı khaihlok Satan eenjit gwitr'it t'agwagwah'in t'iginchy'aa. Goots'it haa Jews tr'inlii ginyaq gaa Jews ginlii kwaa t'iginyaq, nakhwats'a' nagoohihlyaa ts'a' nakhwakwaiichan nihkiinagwagwahah'aa goohałtsyaa. Datthak ts'a' neet'iihthan gaagehendai.

¹⁰Deekhwa'in nakhwaihnyaq gwik'it t'akhwa'in geh'an jii gwigweheetrii nagwahaadhal ajjı gwits'ijjı nakhwak'eehaaltyaa. Jii t'ee dzaa nankat gwidinji' datthak gwahah'yaa, datr'agwaanduu ts'an hihts'eedagahaa'ee ji' geenjit.

¹¹“Niighit kwaa nineehihdyaa t'oonchy'aa, ts'a' nakhwagwik'injigwiighit gwint'aii ohta', nakhwagwik'injigwiighit zhit gaiiyidhohtsajjı nakhwats'ijjı tr'ooheendal gwits'ijjı gwak'oqhtii. ¹²Juu gwik'injigwiighit zhit gaiiyiigwiłtsajjı najjı Shivit'eegwijyahchy'aa Vakharigidiinjii Zheh dachan ndak goota' k'it t'igiinchy'aa goohałtsyaa ts'a' duuyeh gihleegihijyaa. Gookat Shivit'eegwijyahchy'aa voozhri' dihiht'oo ts'a' Shivit'eegwijyahchy'aa vakwaiik'it goozhri' chan gookat dihiht'oo, ajjı t'ee Jerusalem kwaiik'it gwachoo k'eejit, jii

t'ee zheekat gwats'an oodaa Shivit'eegwijyahchy'aa vats'an jyaa gweheenjyaa. Shoozhri' k'eejit chan gookat dihiht'oo.

¹³“Nakhwadzee gwanlii ji', Ch'ankey'aa Shroodiinyaq aji tr'igiinkhii zheh naji dahnyaq gwadqohk'ii.”

Laodicea Kwaiik'it Gwachoo Eenjit Danakhwat'oo

¹⁴“Laodicea kwaiik'it gwachoo gwizhit tr'igiinkhii zheh gwizheekat gwich'in eenjit danakhwat'oo:

Jii ginjik t'ee zhit juu tr'oozhrii ts'a' Amen, gwik'it gooli! varahnyaq vats'an, juu khit ts'a' li'deegwidlii haa Vit'eegwijyahchy'aa eegwaandak vik'iighai'

Vit'eegwijyahchy'aa jidii datthak gwiłtsaji. ¹⁵Deekhwazhit nakhwaashandaii; nink'oo akwat nindhaa qhji nakhwaashandaii. Aji gwik'it t'ohchy'aa kwaa ji' nihthan.

¹⁶Gaa nink'oo akwat nindhaa qhji kwaa ts'a' chju

ningyu' aji k'it t'ohchy'aa geh'an shighit gwats'an

neenakhwahałzhrik t'oonchy'aa. ¹⁷Nakhwalaraa gwanlii

ts'a' gwintsii sheegoo'aii haa gwinleji gwat'aalchy'aa

kwaa dohnyaq, gaa nakhwaashroonchy'aa kwaa ts'a'

nakhwadeveegwiizju! Neeshroohchy'aa, nakhwagwach'aa

kwaa ts'a' nakhwaagweech'in kwaa aji gaakhwandaii kwaa.

¹⁸Kii daatsik (gold) ch'andaa daat'oo, kii shroodiinyaq

nilii, aji shats'an ohkwat nakhwaihnya' jaghai? Shi

Vit'eegwijyahchy'aa shandee ts'a' gwintsii nakhweegwehee'aa

geenjit. Ts'ehdan dook'ji aji gwa'oozhii ts'i' gwach'aa

daagaji nahoozhya geenjit ohkwat. Gwahoh'yaa geenjit

chan ch'oondai' nakhwandee t'ireheelyaa aji ohkwat. ¹⁹Juu

gooveenjit ch'eet'igwiniindhan shi'ji naji gwiizju t'igiizhit

goovahaijyaa ts'a' goovahałtrii. Li'deegwidlii qhji t'ee

nakhwat'agwaanduu ts'an hiłts'eedq'ee. ²⁰Gindeinvyaa

ganleerahnaii ch'oodqohk'ji! Juu shideezhuh diıth'ak ts'a'

gehdeintin ji', vizheh nihdeehihshyaa ts'a' vaa neech'ihih'aa,

ts'a' geedan chan shaa neech'igehee'aa t'oonchy'aa. ²¹Juu

gwik'injiighit zhit gaiiigwiłtsaji t'ee k'eedeegwaadhat ihii


ts'a' vakat doıdii zhat sheeghaii shriits'aji heedyaa, Shiti'

k'eedeegwaadhat ts'a' yakat doıdii aji veeghaii dhiıdii gwik'it.

²²“Nakhwadzee gwanlii ji', jii Ch'ankey'aa Shroodiinyaq tr'igiinkhii zheh naji dahnyaq gwadqohk'ii!”

Zheezhit

4 ¹Izhit zhat daj', shandee ts'a' gwigweelkij ts'a' zheekat gindeinyaa gehdeintin gwa'ya', ts'a' gwideezhuh trumpet k'it ch'idlii hahchik aij gwehkij daj' shats'a' ginkhii dihtth'ak chy'aa, "Oozhaa shats'a' hinkhii aijt'e'e jii deegweheenjyaa nats'a' gwagwahaakya," shahnyaa. ²Gwagwahkhan Ch'ankey'aa Shroodiinyaa shizhit t'iizhit ts'a' deesho'ya' shoonyaa datthak gwik'it t'ishi'in. Zheekat gwizhit k'eedeegwaraadhat ts'a' vakat daraadii kat ch'ihlee doodii gwa'in. ³Kii daat'oo Jasper (green) ts'a' cornelian (red) k'it ch'ahndit, ts'a' k'eedeegwaadhat ts'a' yakat doodii chan kii daat'oo (emerald) shreevyaa k'it veelin datthak needhe'ee. ⁴Aij k'eedeegwaadhat ts'a' yakat doodii veelin datthak 24 najij k'eedeegwaadhat ts'a' yakat doodii dhidlii aij kat ch'anjaa kih dilk'ii 24 najij ch'adak ik daagajij nagaazhii ts'a' gooki' kat tseh gold haa iltsajij doo'aa. ⁵Aij k'eedeegwaadhat ts'a' yakat doodii ts'an nahtan kwan haadhak, gwideezhuh dihtth'ak ts'a' nahtan hahchik. K'eedeegwaadhat ts'a' yakat doodii ehdaa dachan tsii ko'



Ko' daak'a' (7) (Revelation 4.5)

daak'a' (7) dhidlii, a̱iit'ee Vit'eegwijya̱hchy'aa vats'an Ch'ankey'aa (7) k'eedeegwaadhat k'it t'iginchy'aa. ⁶A̱iits'a' k'eedeegwaadhat ts'a' yakat doodii v̱hdaa cẖu̱ choo inju' nahdrin gwaraah'in k'it t'inchy'aa.

K'eedeegwaadhat ts'a' yakat doodii gweelin nigwiin'ee gwandaii ḏo̱ (4) Vit'eegwijya̱hchy'aa i̱tsa̱i̱ kwaii dilk'ii, ch'andee zhṟh giinlii. ⁷Tr'ookit a̱i̱ Lion gwich'in; gwats'a̱i̱ chan aak'ii ch'izhir tsal k'it viyiichy'a'; gwats'a̱i̱ tik a̱i̱ dinjii nin k'it viyiichy'a'; ts'a' gwats'a̱i̱ ḏo̱ ch'izhin zheetii nihiniit'ee k'it viyiichy'a'. ⁸Jii gwandaii Vit'eegwijya̱hchy'aa yi̱tsa̱i̱ kwaii gooteegwagwaanchy'aa ch'it'ee nihk'iitik (6) gii'i̱ ts'a' ch'andee zhṟh giinlii. Goovat ts'a' goovant'ih haa datthak ch'andee goodlii. Drin, ṯo̱ haa ch'igidlii gwizhṟh t'iginya̱a:

“Shroodiinya̱a, shroodiinya̱a, shroodiinya̱a,
K'eeewaadhat Vit'eegwijya̱hchy'aa ɭyaa jiintsii.
Juu inli', juu nilii ts'a' juu nineeheedya!”

⁹Gwandaii ḏo̱ (4) Vit'eegwijya̱hchy'aa i̱tsa̱i̱ kwaii zhit juu k'eedeegwaadhat ts'a' yakat doodii ts'a' vich'eegwa̱ndit, deegihi'ee ts'a' mahs̱i' ginya̱a haa ch'igidlii. Juu khit ts'a' khit geenjit gwandaii. Nijin jyaa digii'in ḏa̱i', ¹⁰ch'anjaa ḵh dilk'ii 24 na̱i̱ juu k'eedeegwaadhat ts'a' yakat doodii ts'a' nikiigwagwah'ee, ts'a' juu khit ts'a' khit geenjit gwandaii ts'a' khagidiinjii gwiizhit ch'igidlii. K'eedeegwaadhat ts'a' yakat doodii ̱hdaa gooki' kat doo'aa̱i gwats'a' giẖi̱jil ts'a' t'iginya̱a.

¹¹“Diik'eeewaadhat ts'a' Vit'eegwijya̱hchy'aa ɭyaa jiintsii,
ch'eegwa̱ndit, niriẖi'ee ts'a' t'aih haa ni'yaa geenjit.
Jidii datthak dẖa̱tsa̱i̱ ts'a' nik'iighai' giltsa̱i̱ ts'a' gwandaii gi'i̱i.”

Ḏe̱htɭy'aa Nakhwaḏo̱ Vakāt Ch'adanakhwatɭ'oo, ts'a' Divii Gii

5 ¹Juu k'eedeegwaadhat ts'a' yakat doodii vanli' shriits'a̱i̱ ḏe̱htɭy'aa nakhwaḏo̱ vakāt ch'adanakhwatɭ'oo oota' naɭ'in: a̱i̱ nihts'i̱i vakāt ch'adanakhwatɭ'oo ts'a' ⁷aanchy'aa nihɭaghwadzii. ²Ts'a' zheekat gwich'in vat'aii gwanlii ts'a' gwint'aii khaginkhee naɭ'in, “Juu dee ḏe̱htɭy'aa nakhwaḏo̱ nihɭaghwadzii nihky'aa ooheendal geenjit gwintsii veegoo'aii?” ³Gaa dzaa zheekat, akwat nankat, akwat oozhak nan t'eh ch'iẖlee gaa nakwaa. Juu dee ḏe̱htɭy'aa nakhwaḏo̱ nihky'aa ooheendal ts'a' yakat gwahah'yaa! ⁴Ch'iẖlee gaa ḏe̱htɭy'aa nakhwaḏo̱ nihky'aa

ooheendal geenjit veegoo'aii agwarah'aii kwaa geenjit ʎyaa gwint'ʎoo ihtree. ⁵Aiit't'eç ch'anjaa ch'ihlak t'ashahnyaa, "Intree kwaa, gwah'in! Judah vizheeneedijii ts'an lion k'eedeegwaadhat nint'aii nilii, ai King David ts'an deedhaa, dinjii vaagwiindaii nilii t'ee tr'aanduu gaiiyii'iltšaii ai geh'an dehtly'aa nakhwadq kat 7 ʎangwidhidzii nihky'aa hoondal geenjit t'aih di'i t'inchy'aa."

⁶Ai k'eedeegwaadhat ts'a' yakat doodii t'an Divii Gii nadhat na'in dai' veelin gwandaii dq Vit'eegwijyahchy'aa iltšaii kwaii ts'a' ch'anjaa naii haa neelzhii na'in. Ai Divii Gii tr'iiikhwaii k'it t'inchy'aa. Viji' 7 gwanlii ts'a' vandee 7 chan gwanlii. Aiit'ee Vit'eegwijyahchy'aa vats'an Ch'ankey'aa Shroodiinyaa 7 dzaa nankat nihky'aa datthak gwats'a' nagoovinlii. ⁷Ai divii gii, zhit juu k'eedeegwaadhat ts'a' yakat doodii vanli' shriits'aii gwats'an dehtly'aa nakhwadq oonjik. ⁸Jyaa diizhit dai', gwandaii dq 4 Vit'eegwijyahchy'aa iltšaii ts'a' ch'anjaa 24 naii haa giikwaiiichan nikiigwigwiintthaii. Gooteegwagwaanchy'aa ts'a' harp ts'a' tyah ghoo gold nilii vizhit gwanzh' tr'ahk'an dai' gwinzii vagwaatsan deedaan'aii neegahaazhik. Ai Vit'eegwijyahchy'aa k'injiighit naii jidii geenjit khagidiinjii kwaii t'inchy'aa. ⁹Ch'ilik k'eejit chan igiilii:

"Nan t'ee dehtly'aa nakhwadq ooiiindal

ts'a' nihlaghwadzii nihky'aa ooiiindal geenjit gwintsii neegoo'aii.

Narookkwaii ts'a' dinjii neezheeneedijii,

googinjik, nahkat, ts'a' dinjii nihlehjuk t'iichy'aa naii

Vit'eegwijyahchy'aa k'injiighit naii neehezhi geenjit narookkwaii.

¹⁰Vit'eegwijyahchy'aa vitsyaa giheelyaa geenjit

K'eeegwaadhat Veegwinii'ee geenjit ginkhii goodhahtšaii

ts'a' nankat gwats'a' k'eedeegwagwahaadhat."

¹¹Chan neegwaal'ya' akhai' zheekat gwich'in thousands ts'a' millions naii dihtth'ak! Ts'a' Vit'eegwijyahchy'aa gwandaii dq 4 iltšaii ts'a' ch'anjaa 24 naii haa k'eedeegwaadhat ts'a' yakat doodii eelin nigeelzhii, ¹²ts'a' gwideezhuh haa gwint'aii ch'igidlii:

"Divii gii, t'aih, gwintsii veegoo'aii,

gwizh' kwaii vats'an heelyaa geenjit tr'ookhwaii

ts'a' deerahoh'ee, vats'a' ch'egwahndit, gooli!"

¹³Ts'a' zheekat, nankat, oozhak nan t'eh, ts'a' chu choo zhit gwandaii hahchik dihtth'ak, jidii gwandaii datthak ch'igidlii gwiihtth'ak:

"Juu k'eedeegwaadhat ts'a' yakat doodii

ts'a' Divii Gii haa goots'a' deerahoh'ee,

ch'eegwəhndit ts'ə' t'aih jiiintsii


khit ts'ə' khit geenjit vats'a' gooli!"

¹⁴Vit'eegwijyahchy'aa gwandaii dōq (4) iłtsajjı nājı gwıdii ginkhii "Amen, gwık'ıt gooli!" gınyaa, ts'ə' ch'anjaa 24 nājı nikiigwigwiintthaii ts'ə' deegihı'ee.

Langwidhidzii Kwaii

6 ¹Ajıt'ēē divii gii, zhit 7 langwidhidzii ts'an ch'ihłak tr'ookit nihky'aa oonjik nał'in ts'ə' Vit'eegwijyahchy'aa gwandaii dōq (4) iłtsajjı ch'ihlee gwıdeezhuh nahtan hahchik k'ıt "Aanaai!" nyaa dihtth'ak. ²Gwał'in akhai' dinjii k'ıłtai' oota' ts'ə' diiki' kat doo'aii naa'aii ts'ə' łajjı choh daagajjı kat doodii nał'in. Gaiiyigwiłtsajjı ts'ə' chan hee gaiiyigwahahtsyaa geenjit gwats'ə' ahaa k'ıt t'ii'in.

³Ajıt'ēē Divii Gii łıgwıdhidzii (second) gwats'ajjı nihky'aa oonjik; ts'ə' Vit'eegwijyahchy'aa gwandaii dōq (4) iłtsajjı gwats'ajjı dhıdii, "Aanaai!" nyaa dihtth'ak. ⁴Ch'izhıi łajjı choh daatsik gwats'an tr'iinzhıi nał'in. Juu yakat doodii ajjı dzaa nankat nihłeerııghan gwahahtsyaa geenjit t'aih vant'eerin'ajjı, dinjii nājı nihłeeııheeghan geenjit. Shriichoo veek'i' neekwaii gwanlıi vant'eerııntin lee.



(Revelation 6.4)

⁵Tł'ēē Divii Gii łıgwıdhidzii tik dha'aii nihky'aa oonjik ts'ə' Vit'eegwijyahchy'aa gwandaii dōq iłtsajjı ajjı tik dhıdii "Aanaai!" nyaa dihtth'ak, gwał'in akhai' łajjı choh azhrājı nał'in. Juu yakat doodii ajjı danlı' zhit vaagwık'ee ch'agwarahdıi (scale) oota' nał'in. ⁶Zhit Vit'eegwijyahchy'aa

gwandaii dōq (4) iłtsajjı nājı ts'an ch'ııhahchik ts'ə' jyaa digwınyaa gwııhtth'ak: "Drin ch'ihłak gwıtr'ıt t'agwarah'ya' geenjit t'ıoo niłshıjı (wheat) ch'ihłak quart aanchy'aa gwaroonkwat, ts'ə' gwıtr'ıt t'agwarah'ya' geenjit barley haa quart tik aanchy'aa gwaroonkwat. Gaa zhit olive ts'ııvıi ts'ə' jak choh deek'ıt kwaii haa an gohtsyaa shrı!" nyaa.

⁷Tł'ēē Divii Gii łıgwıdhdzii dōq dha'aii nihky'aa oonjik; ts'ə' Vit'eegwijyahchy'aa gwandaii iłtsajjı ajjı dōq dhıdii, "Aanaai!"

nyaa dihtth'ak! ⁸Gwaŋ'in akhai, ɬəjɪ choh avee (pale green) k'it t'inchy'aa naŋ'in. Juu yakat doodii t'ee ch'ichi' ts'ə' ch'ichi' deek'it (Hades) varahnyaaa, gwantii nahgwan ahaa. Dzaa nankat ¼ gwats'ə' k'eedeegwahaadhat gooriɬtsəjɪ ɬee. Nihleeriighan, shih kwaa nagwahaadhal, ts'ik nihlejhuk t'iichy'aa ts'ə' nin iizuu kwaii haa dinjii giheeghaa geenjit.

⁹Ajɪt'ɛɛ Divii Gii ɬigwiɬdzii ch'ihloanli' (5) dha'aii nihky'aa goonjik. Ataiinjii tr'ahtsii deek'it (altar) gwit'eh, juu Vit'eegwijyaḥchy'aa viginjik gweedhaa datthak eegwaandak ts'ə' ɬi'didlii haa gwagwah'ya' ts'ə' geegwagwaandak naɪjɪ goovanky'aa naŋ'in. ¹⁰Gwint'aii gazhral haa jyaa diginyaɔ: “Shroodiinyaɔ ts'ə' ɬi'didlii, Vit'eegwijyaḥchy'aa jiintsii! Dahthee ji' dzaa nankat gwidinjii naɪjɪ khaiinjich'agoohahtat ts'ə' goohaankat t'oonchy'aa diigeelkhwaɪjɪ geenjit?” ¹¹Gooteegwagwaanchy'aa ts'ə' ch'adək ik daagaɪjɪ ninjyaa goovant'eerinlii ts'ə' tth'aii hee gwintsal nagoodhoo'in goorahnyaaa. Dahthee juu slave nilii ts'ə' gwik'injiighit naɪjɪ daanchy'aa Vit'eegwijyaḥchy'aa googha' goovoonyaɔ agwaanchy'aa giheeghaa gwats'ə'. Aɪjɪ gwik'it t'ihēechy'aa.

¹²Ts'ə' Divii Gii ɬangwidhidzii nihk'iitik (6) dha'aii nihky'aa goonjik. Izhit, nan gwint'aii daatrat, ts'ə' drin oozhrii chan gwach'aa zhrəjɪh veediɬtsuu k'it azhrəjɪ naanaii, ts'ə' tɔq oozhrii datthak chan dah daatsik k'it daatsik naanaii. ¹³Sə' kwaii oodaa dzaa nankat gwats'ə' niinjil, gwint'aii ahtr'aii haa ts'iivii ts'an Figs dineezhri' kwaa neiinjil k'it t'iizhit. ¹⁴Dɛhtɬy'aa neeraandɔq k'it zheetii k'igwaanaii, ts'ə' zhit ddhah ts'ə' njuu kwaii datthak gihleehaaɪjɪ. ¹⁵T'ɛɛ nankat gwats'an nahkat gwats'ə' k'eedeegwaadhat choo naɪjɪ, k'eedeegwaadhat naɪjɪ, ts'ə' niveet'ah'in khaihkwaii naɪjɪ, gwintsii gooveegoo'aii ts'ə' goot'aii gwanlii naɪjɪ, slaves naɪjɪ ts'ə' slave nilii kwaa naɪjɪ datthak ddhah kat kii t'eh ts'ə' ch'a'an gwizhit gweedii goh'ik ch'agaɔ'jɪ. ¹⁶Zhit ddhah ts'ə' kii haa ts'ə' gazhral jyaa diginyaɔ, “Juu k'eedeegwaadhat ts'ə' yakat doodii ts'ə' Divii Gii vik'jɪ gwanlii naɪjɪ giyahah'yaa gwits'ɪ' diik'aa needaanghyii,” ginyaɔ. ¹⁷Gook'jɪ gwanlii geh'an googwantrii drin teegoodhat, ts'ə' juu dee goots'ɪ' t'ihēechy'aa?

Israel Gwich'in 144,000 Naɪjɪ

7 ¹Jii ajɪt'ɛɛ zheekat gwich'in dɔq (4) naɪjɪ dzaa nankat yeenihjyaa, yeedihjyaa, gach'aha'at ts'əjɪ ts'ə' neech'ee'aa ts'əjɪ gwats'an dzaa nankat akwat chuɔ choh kat akwat ts'iivii tee

neeheentr'aii kwaa geenjit ahtr'aii ji' gootà'. ²Ts'á' gach'a'at ts'áii gwats'an zheekat gwich'in ch'izhii nał'in, Vit'eegwijyahchy'aa khit gwandaii łangwıldzii ootà'. Zhit zheekat gwich'in doq (4) naıı ts'á' gwint'aii khaginkhee, Vit'eegwijyahchy'aa dzaa nankat ts'á' chuıı choh kat an gwagwahahtsyaa geenjit goots'an gwiłtsáii. ³“Dzaa nankat, chuıı choh, akwat ts'iivii kwaii an ohtsyaa shrq', dahthee Vit'eegwijyahchy'aa eenjit gwitr'it t'agwah'in naıı goovants'at kat gwireheegwat gwats'á'.” Zheekat gwich'in jyaa nyaq. ⁴Ts'á' zhit juu goovants'at kat Vit'eegwijyahchy'aa eenjit gwaraagwat naıı 144,000 agaanchy'aa sharahnyaq shaagwaraandak. Aıı naıı t'ee Israel gwich'in neezheedijii (12) naıı ts'an digeedhaa.

⁵⁻⁸Judah, Reuben, Gad, Asher,
 Naphtali, Manasseh, Simeon,
 Levi, Issachar, Zebulun, Joseph, ts'á' Benjamin
 naıı gooteegwagwaanchy'aa ts'á' goots'an 12,000 naıı
 neezheedijii.

Gehdaa Kwaa Dinjii Leıı Leeljił

⁹Jii aııt'leq gwał'in akhai' gehdaa kwaa dinjii leıı leeljił gwał'in, ch'ihlee gaa duuyeh gweechyaa t'ihnyaq! Datthak ts'á' dinjii nihlejhuk t'iichy'aa, dinjii neezheeneedijii, nahkat gwats'an, ts'á' ginjik nihlejhuk t'iichy'aa naıı ginlii ts'á' k'eedeegwaadhat ts'á' yakat doodii ts'á' Divii Gii haa ehdaa ch'adak ik daagaıı ninjyaa nagaazhii ts'á' ts'iivii tthoochyah (palm) gootà' ts'á' nigeelzhii.

¹⁰Gwint'aii gwideezhuh haa jyaa diginyaq,
 “Vit'eegwijyahchy'aa vats'an neereezhii,
 juu k'eedeegwaadhat ts'á' yakat doodii ts'á' Divii Gii
 ts'an ahaa!” ¹¹Zheekat gwich'in naıı datthak, ch'anjaa
 kił dilk'ii 24 naıı, ts'á' Vit'eegwijyahchy'aa gwandaii
 doq (4) iłtsáıı naıı datthak k'eedeegwaadhat ts'á' yakat
 doodii eelin nigeelzhii. T'leq giits'á' nikiigwiintthaii ts'á'
 Vit'eegwijyahchy'aa deegehi'ee,

¹²“Amen!, deerahoh'ee, ch'eegwahndit vaa gooli',
 gwizhił oo'ı', vats'a' mahsi',
 t'aih ts'á' jiintsii kwaii Vit'eegwijyahchy'aa khit ts'á' khit
 geenjit vats'an nilii!

Amen!”

ginyaq.

¹³Ch'anjaa ch'ihlee shoqahkat, “Jii dinjii ch'adak ik daagajj ninjyaa nagaazhii najj juu t'iginchy'aa? Nijin gwats'an tr'iginjil t'iginchy'aa?” Ginyaa.


¹⁴“Gaashandaii kwaa, niyinjihol'ee, nan gaanandaii t'oonchy'aa,” vaihnyaa.

Ts'a' jyaa shahnyaa, “Jii dinjii najj t'ee googwantrii khaiinjich'agoohoodhat najj t'iginchy'aa. Dach'adak ik ninjyaa k'eech'agahtryaa haa Divii Gii vadaa zhit daagajj giivyitsajj najj t'iginchy'aa. ¹⁵Izhit geh'an Vit'eegwijyahchy'aa k'eedeegwaadhat ts'a' yakat doodii ehdaa nagadhat ts'a' drin, tqo haa Vakharigidiinjii Zheh gwizhit giyeenjit gwitr'it t'agwagwah'in t'igii'in. Zhit juu k'eedeegwaadhat ts'a' yakat doodii kat doodii t'ee goovaaheelyaa ts'a' tsint'igeheejyaa gwits'ij' gook'eehahtyaa t'inchy'aa. ¹⁶Duuyeh ch'ihlok gaa goozhit gwilts'ik ts'a' chuj gahijj; drin oozhrii ts'an chan duuyeh gwadhah goovahchy'aa t'oonchy'aa. ¹⁷Divii Gii k'eedeegwaadhat ts'a' yakat doodii gwat'an dhidii ajj goodivii k'aahtii heelyaa geh'an nants'an chuj hanlaidii ajj gwandaii gwats'an ahtsii ts'a' goots'ii heekhaa, ts'a' goots'ij' ahaa ts'a' Vit'eegwijyahchy'aa goovandee gwats'an gootree chuj' ach'ahahjii t'oonchy'aa.”

Langwidhidzii (7th)

8 ¹Nijin Divii Gii (7th) langwidhidzii nihky'aa oonjik daj' zheekat ½ hr. datthak laq ch'iihahchij kwaa. ²Ajjt'ee zheekat gwich'in (7) najj Vit'eegwijyahchy'aa ts'a' nigeelzhii ts'a' 7 trumpets chan goovant'eerinlii gwa'in.

³Ch'izhii zheekat gwich'in tyah ghoo gold nilii vizhit gwanzhijh gwinzii vagwaatsan tr'ahk'an oota', k'ii'ee tr'izhii ts'a' ataiinjii tr'ahtsii deek'it (altar) ts'a' nadhat. Gwanzhijh gwinzii vagwaatsan lejij vant'eerinlii, ajj Vit'eegwijyahchy'aa k'injiighit najj khagidiinjii najj tee reheelyaa ts'a' ataiinjii tr'ahtsii deek'it kii gold haa gwiltsajj ajj k'eedeegwaadhat ts'a' yakat doodii ehdaa



(Revelation 8.3)

dha'aii kat nirehee'aa geenjit. ⁴Vit'eegwijyahchy'aa k'injiighit naji khagidiinjii aji zheekat gwich'in, Vit'eegwijyahchy'aa ehdaa nadhat ts'a' gwanzhij gwinzii vagwaatsan ahk'an aji ts'an lat k'iidak t'ii'in aji lat zhit haahjil. ⁵Ajitt'e'e zheekat gwich'in gwanzhij gwinzii vagwaatsan vizhit tr'ahk'an tyah ghoo oonjik, ataiinjii tr'ahtsii deek'it gwats'an ko' daak'a' yizhit t'inlik, ts'a' oozhak nankat gwats'a' yihilt'ik. Aji ts'an dzaa nankat, nahtan hahchik ts'a' nahtan kwan haadhak gwiizhik gwideezhuh dihtth'ak ts'a' nan gwint'aii daatrat.

Trumpets Ch'idlii

⁶Ajitt'e'e zheekat gwich'in seven naji trumpets seven zhit giheezhool geenjit shriitr'agwagwah'aji.

⁷Tr'lookit zheekat gwich'in da-trumpet zhiinzhol. Ch'anluh, ko' haa vatee dah k'iidaq nankat ninlaii. Dzaa nankat $\frac{1}{3}$ datthak dhik'in. Gwanzhij $\frac{1}{3}$ datthak, ts'a' ts'iivii $\frac{1}{3}$ datthak haa dhik'in.

⁸Ajitt'e'e gwats'aji zheekat gwich'in second nilii da-trumpet zhiinzhol. Ddhah choo k'it t'inchy'aa ak'an oonda chuu choo zhit tr'ahnaji. Chuu choo $\frac{1}{3}$ datthak dah naanaii. ⁹Chuu choo vizhit nin gwandaii $\frac{1}{3}$ datthak kwaa goodlit, ts'a' vakat tr'ihchoo choh $\frac{1}{3}$ chan an dhidlit.

¹⁰Tt'e'e zheekat gwich'in third nilii da-trumpet zhiinzhol. Akhai sa' choo, gahtsii ko' daak'a' k'it t'inchy'aa ooda zhee zhit gwats'an tr'aanaii, ts'a' nan ts'an chuu haiilaii, ts'a' han gwinjik $\frac{1}{3}$ gwakat naanaii an gwiltsaji. ¹¹(Aji sa' choo t'ee "Tr'aakaii" oozhii), chuu $\frac{1}{3}$ datthak tr'aakaii naanaii ts'a' dinjii leji naji giikhiinii haa nigijnjik, tr'aakaii naanaii geh'an.

¹²Tt'e'e zheekat gwich'in doq (4th) nilii da-trumpet zhiinzhol. Aji geh'an goo'adrii $\frac{1}{3}$ datthak adrii kwaa nagwaanaji; drin $\frac{1}{3}$ datthak ts'a' toq $\frac{1}{3}$ datthak ch'aadrii kwaa.

¹³Tt'e'e gwa'in ts'a' oodak niighit ch'izhin nihiniit'ee azhral haa t'inyaq dihtth'ak, "Gwagwantrii! Gwagwantrii! Dzaa nankat gwidinjii naji deegwahrt'oo gooveenjit gwigweheetrii li', nijin zhit ch'izhii zheekat gwich'in tik naji daga-trumpet zhit giinzhol ji."

9 ¹Tt'e'e zheekat gwich'in fifth nilii da-trumpet zhiinzhol. Akhai sa' ooda nankat naanaii na'in, ts'a' oozhak gwit'eh goo'aii kwaa gwilidlii vant'eerinlii. ²Aji sa', oozhak gwit'eh goo'aii kwaa gehdeiintin, ts'a' oozhaa lat gwanlii, ch'iitsii choo zhit gwaak'a'

ts'an lat gwanlii k'it t'igwii'in; drin oozhrii vats'an ch'aadrii ts'a' zhit tr'ihizhee datthak, oozhak gwit'eh goo'aii kwaa gwats'an lat gwanlii haa tɔq goodlit. ³Ch'ahahsak choo (locust) aji lat zhit gwats'an nankat vagooodlit ts'a' scorpions t'aih goots'an dhidlit k'it t'inchy'aa haa t'aih goots'an dhidlit. ⁴T'oo, ts'iivii akwat ch'izhii gwanzhij kwaii an ohtsyaa shrɔ' gooraiinya'; juu vants'at kat Vit'eegwijyahchy'aa k'iighai' goohohgwat kwaa naji zhrih ts'oodhat goovahnyaq. ⁵Ch'ahahsak choo (locust) kwaii jii dinjii naji duuyeh ehdaa tr'agwagwa'aii goo'aii, gaa shreenanh 5 months gahkhyuk khaiinjich'igoogahahthat. Scorpion haank'at k'it lyaan nijn khaiinjich'igiighit dai' aji gwideek'it gwik'it gwit's'ik. ⁶Aji five months gwideezhat dinjii giheeghaa gwankee gwagwahah'aa gaa duuyeh gwik'it t'igii'in. Narooghit gihee'ya gaa ch'ichi' duuyeh gah'in.

⁷Ch'ahahsak choo (locust) kwaii aji laji choh nihleeriighan eenjit tr'iileji nilii k'it t'igiinchy'aa; gooki' kat doo'aii, kii daatsik daat'oo gold k'it t'inchy'aa, ts'a' goonin chan dinjii inin k'it t'inchy'aa.

⁸Gookiighai', tr'injaa kiighai' k'it t'inchy'aa, googho' chan lion gho' k'it t'inchy'aa. ⁹Goodrihtsii, ch'iitsii chyah dhitin k'it t'inchy'aa, ts'a' digit'ee haa deegwagwahtsai' dai' kha' vit'ee hih's'eedeadaa, laji choh neeyihiiluu k'it hahchik. ¹⁰Scorpions k'it gootsi' tsii tahtsal haa gahank'at ts'a' aji digits'i' haa t'ee t'aih gii'ji, dinjii naji five months gwideezhat ts'agahahtthat geenjit. ¹¹K'eedeegwaadhat choo goots'a' k'eedeegwaadhat gii'ji, aji't'ee, oozhak gwit'eh goo'aii kwaa gwizheekat gwich'in gwats'a' k'eedeegwaadhat. Voozhri' Hebrew ginjik zhit Abaddon oozhrii, ts'a' Greek ginjik zhit chan Apollyon oozhrii. (“An gwahtsii!” gwinyaq t'igwinyaq.)

¹²Tr'ookit googwantrii geht'ee goodhat; aji't'ee gwats'aji neekwaii googwantrii tth'aii hee gwarahaqah'ya goo'aii.

¹³Aji't'ee zheekat gwich'in 6th nilii da-trumpet zhiinzhol. Vit'eegwijyahchy'aa ehdaa vakaii'aa chil'ee dha'aii, aji't'ee gwanzhij gwinzii vagwaatsan vakat daak'a' gold haa iltsaji vats'an dɔq (4) gwikhyuu gwats'an gwideezhuh dihtth'ak. ¹⁴Aji gwideezhuh zheekat gwich'in sixth nilii t'ahnyaq, “Zheekat gwich'in dɔq (4) naji Euphrates han gwinjik gwintsii geeghaih dakhwachaa naji dineegoovin'at!” yahnyaq. ¹⁵Aji zheekat gwich'in dɔq naji dineegoogin'at; juk drin gwizhit jii hour gweedhaa, shree drin zhit shreenanh gweedhaa gwizhit 1/3 dinjii nihlehjuk daazhya

giheeghaa geenjit tr'iilejji gooveenjit goo'aa. ¹⁶Niveet'ah'in ļajji choh kat doodii najji, two hundred million agaanchy'aa sharahnyaa. ¹⁷Dinjii najji ļajji choh kat digeelk'ii; goodrihtsii ch'liitsii tyah dhitin aji kq' k'it daatsik, kii sapphire k'it ch'aht'oo (blue), ts'a' sulfur k'it atsoq, aji shandee ts'a' gwigwiikjii na'in. ļajji choh gooki', lion ki' k'it viheechy'a' ts'a' googhit gwats'an kq', ļat, ts'a' sulfur kwaii tr'ijyaa. ¹⁸Kq', ļat, ts'a' sulfur haa ļajji choh vighit gwats'an tr'ijyaa haa gwik'iighai' dzaa nankat dinjii najji nihļehjuk daazhyaa 1/3 datthak iinghan. ¹⁹Aji ļajji choh vighit, ts'a' vitsi' kwaii dinjii giheeghaa geenjit t'aih gii'ji. Gootsi' gyuq choh kiitth'an k'it t'inchy'aa ts'a' dinjii ts'agahahtthaa geenjit giit'aahchy'aa.

²⁰Zhit dinjii nihļehjuk daazhyaa jii kwaii k'iighai' kq', ļat ts'a' sulfur haa gooringhan kwaa najji, ch'ik'itiltsi' kwaii ideenjit giltsaji ts'i' an-needagaa'ee kwaa. Ch'ankey'aa iizuq ts'a' khadigiinjii akhagagoonyaa kwaa ts'a' ch'ik'itiltsi' gold, silver, bronze, kii, ts'a' traah haa iltsaji gihi'ee chan akhagagoonyaa kwaa, aji najji t'ee gwagwah'in kwaa, akwat ch'igiitth'ak kwaa, akwat khyu' neehidal najji t'inchy'aa. ²¹Dinjii gaghan, dinjii ts'a' dagazhan, ch'aa'oihchi' zhrih giindhan, akwat ch'agan'ji kwaii gaa gwits'i' needagaan'ee kwaa.

Zheekat Gwich'in ts'a' Dęhtly'aa Nakhwadqo Tsal Haa

10 ¹Zheekat gwich'in niint'aa, zheezhit gwats'an k'iidaq ahaa na'in. Zheek'qh vanooljik k'it t'inchy'aa ts'a' viki' eelin chan shreevyaa nakhwat'aa; vinin drin oozhrii k'it adrii, ts'a' vatth'an kwaii chan ts'iivii neekwaii k'iidak kq' daak'a' k'it t'inchy'aa. ²Dant'ee dęhtly'aa nakhwadqo tsal oota'. Shriits'aji dakwai' chų choh kat deel'yuu ts'a' t'ohs'aji dakwai' chan nankat deel'yuu. ³Ts'a' lion hahchik k'it t'inyaa ts'a' gwint'aa khaginkhee. Khaginkhee t'ęę, nahtan seven ļaq yidii khoottin, gwizhit gwideezhuh dihtth'ak. ⁴Khaginkhee gwagwahkhan gwidihiht'oo gaa chan zheezhit gwats'an gwideezhuh jyaa dinyaa gwiihtth'ak, "Nahtan seven najji deeginyaa nagwaa'h'ji, gwadoiint'oo shro!" gwinyaa.

⁵Ajiti'ęę zhit zheekat gwich'in, chų choh ts'a' nankat haa nadhat shriits'aji danli' oodak zheekat gwats'a' niļjik na'in, ⁶ts'a' Vit'eegwiyahchy'aa voozhri' zhit deehee'yaa nyaa aji gwik'it t'hee'yaa nyaa, Vit'eegwiyahchy'aa juu khit ts'a' khit

geenjít gwandaii, juu zheezhit, nan kat datthak ts'á' chų́ zhit kwaii datthak gwiłtsajj. “Chan duuyeh nagwarool'in! 7Gaa nijin zheekat gwich'in seventh nilii da-trumpet zhiinzhol aįįt'ęę t'ee Vit'eegwijyahchy'aa deehee'yaa nagwah'įį gwik'it t'ihee'yaa, jidii gwik'injiighit naįį ts'á' Vit'eegwijyahchy'aa Eenjit Ginkhii naįį daihnyá' aįįt'ee gwik'it t'ihee'yaa,” zheekat gwich'in nyaa.

8T'ęę zhit gwídeezhuh dihtth'ak chy'aa chan hee zheezhit gwats'an shats'á' khaginkhee ts'á' jyaa nyaa, “Zhit zheekat gwich'in chų́ choh ts'á' nankat haa nadhat vats'a' hinkhaii ts'á' vant'ęę dehtly'aa nakhwadqo oinjii.” Shahnyaa.

9Zheekat gwich'in vats'a' hoiizhii ts'á' aįį dehtly'aa nakhwadqo tsal shant'eiin'aįį vaihnyaa. Ts'á' jyaa shahnyaa, “Oinjii ts'á' in'aa; nazhrak zhit tr'aakaii nahaadhál t'inchy'aa, gaa niighit aįį ch'ineendzit soongaįį k'it gwinzii vagwahaandaii t'inchy'aa,” nyaa.

10Dehtly'aa nakhwadqo vanli' ts'an oodhiijik ts'á' ii'al, ts'á' łyaa ch'ineendzit soongaįį k'it gwinzii vagwaandaii gaa hooltlee aįįt'ęę shavat zhit khiits'at naanaii. 11Aįįt'ęę chan t'asharahnyaa; “Chan hee nahkat gwich'in, dinjii nihłehjuk t'iichy'aa, dinjii nihłehjuk ginjik ginkhii, ts'á' k'eedeegwaadhát choo naįį gooveenjít (Jii deegweheenjyaa gwinyaa) Vit'eegwijyahchy'aa vagwandak eeginkhii,” sharahnyaa.

Deegwiizhit Gwagwah'ya' Ts'á' Geegiginkhii Neekwaii Naįį

11 1Gał, ch'iitsii ts'ik vaagwadoorahadri' k'it t'inchy'aa shant'eerintin ts'á' t'asharahnyaa, “Oo'at Vit'eegwijyahchy'aa Vakharigidiinjii Zheh gwats'á' hinkhaii ts'á', aįį ataiinjii vakat tr'ahtsii haa gwadoohaandrii, ts'á' juu gwizhit khagidiinjii naįį chan diinchyaa, sharahnyaa. 2Gaa gweelin tthał ni'ee aįį gwadoohoondri' shro', juu Vit'eegwijyahchy'aa k'injiighit kwaa naįį ant'eerinlii geh'an, shakwaiik'it gwachoo shroodiinyaą gwizhit 42 months gahkhyuk datthak gwats'á' k'eedeegwagwahaadhát t'iginchy'aa. 3Juu gwaah'ya' ts'á' sheenjít ginkhii neekwaii naįį googwach'aa gunny sack k'it t'inchy'aa nagaazhii goots'á' nihihlyaa, ts'á' 1,260 days gahkhyuk datthak Vit'eegwijyahchy'aa vagwandak goots'á' eegigeheekhyaa.”

4Jii gwagwah'ya' ts'á' hi'didlii haa geegwagwaandak neekwaii naįį t'ee Vit'eegwijyahchy'aa jidii datthak nankat gwats'á' k'eedeegwaadhát vėhdaa. Olive ts'iivii neekwaii gwini'ee ts'á' kwaii daak'a' vakat

doodlii neekwaii kwaiik'it gwachoo t'iginchy'aa. ⁵Ch'ihlee tsin t'agoohaalik ji', googhit gwats'an kq' t'ii'in haa juu goots'a' ninjich'atsadhat an gahahtsyaa, ts'a' jii gwik'it juu tsin t'agoohaalik ji' giheeghaa. ⁶Vit'eegwijyahchy'aa vagwandak eegwagwaandak gwiizhit hahtsin gwits'i' gwats'a' k'eedeegwagwaadhat. Ddhah ts'an chuy ninlaii chan dah haa ninlaii gwagwahahtsyaa geenjit t'aih gii'ii: dzaa nankat jidii vaagwigweheetrii gweheelyaa datthak chan gwats'a' k'eedeegwagwaadhat.

⁷Nijin Vit'eegwijyahchy'aa vagwaandak eegwagwahaandak ndaanagaahjik da'i, zhit nin iizuy oozhak gwit'eh goo'aa kwaa gwats'an tr'iinzhii goots'a' ninjich'atsy'ahahthat. Gaiigoohahtsyaa ts'a' gooheeghaa t'oonchy'aa. ⁸Ts'a' gooch'ichi' kwaii, kwaiik'it gwachoo jiintsii taji gwinjik gwa'an heedlyaa, nijin Gook'eegwaadhat tr'iilkhwaii gwizhit. Aji kwaiik'it gwachoo ch'ujuk goozhrii t'ee Sodom akwat Egypt googahnyaa k'it t'oonchy'aa. ⁹Drin 3½ gwizhit datthak dinjii nahkat nihlehjuk t'iichy'aa gwats'an, dinjii neezheedijii, ginjik nihlehjuk t'iichy'aa, ts'a' dinjii nihlehjuk t'iichy'aa naji goohaah'yaa, ts'a' googiheetsii gwits'i' t'agoogahaakhyaa. ¹⁰Dzaa nankat gwidinjii naji, juu gwah'ya' ts'a' h'ididlii haa geeginkhii neekwaii naji tr'ee'khwaii geenjit shoo ginlii. Shoo ginlii geh'an k'aiich'ii nihlant'eegilii ts'a' shroonchy'aa gwagwahtsii. Jii Vit'eegwijyahchy'aa eenjit ginkhii neekwaii naji gooveh'an dinjii naji datthak khaiinjich'iighit geh'an.

¹¹Drin 3½ gwindhat ajiit'e'e Vit'eegwijyahchy'aa vats'an gwandaii haa khaazhee, ts'a' goozhit t'iizhit, ts'a' ndak nigeelzhii gaadlit; juu jii gwah'ya' naji datthak gihilghaa. ¹²Ajiit'e'e Vit'eegwijyahchy'aa eenjit ginkhii neekwaii naji zheekat gwats'an gwideezhuh gwint'aa khaginkhee gwigwiitth'ak, "Aanaai, oozhaa hohjyaa," gwinyaa. Juu goots'i' t'inchy'aa naji gwagwah'in gwizhit k'iidak zheek'oh zhit zheekat gwats'a' gahaa'oo. ¹³Izhit gwiizhit gwiint'aa nan daatrat nagwaanaji, kwaiik'it gwachoo 1/10th laa an goodlit, ts'a' dinjii seven thousand aanchy'aa an dhidlit. Gah dinjii naji gihilghaa ts'a' Vit'eegwijyahchy'aa zheekat gwats'an jiintsii deegih'ee.

¹⁴Googwantrii second (2nd) t'ee ndaagwaan'aji, gaa googwantrii third tth'aa nagwahaadhal goo'aa.

Trumpet Seventh (7th)

¹⁵Zheekat gwich'in seventh da-trumpet zhiinzhol, ts'a' zheekat gwats'an gwideezhuh gwint'aa jyaa nyaa,

“Diik'eegwaadhat ts'a' Va-Christ haa dzaa nankat
ndaagwaan'ajj' kwaa gwats'a' k'eedeegwaadhat,
ts'a' Vit'eegwijyahchy'aa t'ee khit ts'a' khit geenjit
k'eedeegwahaadhat t'inchy'aa!”

¹⁶ Ajjitt'eë zhit ch'anjaa kih dilk'ii 24 najj, Vit'eegwijyahchy'aa k'eedeegwaadhat ts'a' yakat doodii ehdaa geelk'ii najj zhak nikiigwigwiintthai ts'a' Vit'eegwijyahchy'aa deegihi'ee. ¹⁷ Jyaa diginyaq: “K'eegwaadhat, Vit'eegwijyahchy'aa nijuk datthak andaa vat'aii jiintsii! Nan t'ee gwiindaii ts'a' khit geenjit gwiindai! K'eegwaadhat neegoodhinjik geenjit mahsi' ts'a' chan hee k'eedeegwaadhat! ¹⁸ Juu Vit'eegwijyahchy'aa k'injiighit kwaa najj iyaa zhyaants'ijj, juk it'ee nik'ijj goodlit geh'an, it'ee niinjik najj tr'oohahkat nigwiindhat. Juu nitsyaa nilii, neenjit ginkhii, nik'injiighit najj datthak, juu nihi'ee najj, nitsii akwat natsal nihihk'it t'iichy'aa najj jidii gaiiyigwigwiitsajj goovant'eehinlyaa geenjit nigwiindhat. It'ee juu dzaa nankat an gwiitsajj najj an heelyaa geenjit nigwiindhat.” ¹⁹ Vit'eegwijyahchy'aa Vakharigidiinjii Zheh shroodiinyaq nihky'aa t'igwiizhit, ts'a' Vit'eegwijyahchy'aa deehee'yaa nyaq gwik'it t'iizhit ajj tyah zhak na'in. Nahtan kwan haadhak, gwiizhit gwideezhuh dihtth'ak, ts'a' nahtan niighyuk hahchik, nan daatrat, ts'a' ch'anluh choo nijyaa gwa'in.

Tr'injaa ts'a' Dragon Haa

12 ¹ Ajjitt'eë gwiindal gwahchy'aa jiintsii zheezhit gwigwiilkijj. Tr'injaa vi'ik drin oozhrii haa iltsajj ts'a' vakwai' t'eh chan toq oozhrii dha'aii, ts'a' viki' kat k'eedeegwaadhat ts'eh doo'aii (crown) chan vakat sa' twelve dhidlii. ² Niighit kwaa tr'iinin hee'yaa goo'aii ts'a' ajj haa iłts'ik ts'a' khaiinjich'iighit haa khaiitree.

³ Chan ch'izhii gwiindal gwahchy'aa jiintsii zheezhit gwigweelkijj. Dragon daatsik choo, viki' seven gwanlii ts'a' viji' ten chan gwanlii ts'a' viki' seven kat k'eedeegwaadhat ts'eh doodlii. ⁴ Dits'i' haa zhee zhit sa' ½ an iłtsajj ts'a' oodaa nankat gwats'a' yihiłjil. Ajj tr'injaa ehdaa nadhat, ajj tr'injaa tr'iinin ee'i' gwagwahkhan ajj tr'iinin hee'aa geenjit. ⁵ Ajjitt'eë tr'injaa, tsyaa tsal di'ijj, ajj tsyaa tsal dzaa nahkat, ch'iitsii ts'ik ghoo haa gwats'a' k'eedeegwaadhat. Gaa ajj tr'iinin tr'ahtsit ts'a' gihłeerihłitsit

ts'a' Vit'eegwijyahchy'aa k'eedeegwaadhat ts'a' yakat doodii antl'eegiayahchij. ⁶Ajij tr'injaa nangwinjir gwa'an gwats'a' tr'al inzhii, nijin Vit'eegwijyahchy'aa yeenjit shrigwinlik, nijin 1,260 drin gahkhuk datthak vik'eehaqantyaah reh.

⁷Zheekat nihleeriighan nagwaanajij Michael ts'a' dizheekat gwich'in najij dragon gahkhawaij, ajij dragon dizheekat gwich'in haa goots'a' nich'itsahthat. ⁸Gaa dragon gaiiyiidhidlit, ajij t'ee adan ts'a' dizheekat gwich'in haa zheekat gihleegoogahaadlii. ⁹Dragon nitsii chiteegiiheelnaii-yeenaa daj' gwats'an gyuu choo, Ch'anky'aa Tr'aanduu akwat Satan oozhii, nankat datthak neegwan'ee. Adan ts'a' dizheekat iizuu dhidlit gwich'in najij haa dzaa nankat gwats'an chiteegoogihlnaii.

¹⁰Ajij t'ee zheekat gwideezhuh gwint'aii jyaa nyaq dihtth'ak, "It'ee Vit'eegwijyahchy'aa neediihahshii nigwiindhat! It'ee Vit'eegwijyahchy'aa, K'eedeegwaadhat choo nilii gwigweekij! It'ee Vit'eegwijyahchy'aa, Christ neediihahshii gwiteetr'ahchij gwigweekij! Tr'aanduu Vit'eegwijyahchy'aa ehdaa nadhat ts'a' drin, toq haa juu gwik'injiighit najij gwiizuu t'igii'in ahnyaq ajij zheekat gwats'an cheet'eegiheelnaii. ¹¹Divii gii vadaa ts'a' Vit'eegwijyahchy'aa Viginjik eegwagwaandak haa gaiiyiigiijitsajij ts'a' giyeenjit nigiihedhaa ji' googaa gwik'it t'igiiheeyaa. ¹²Ts'a' zheekat ts'a' juu zhak gwich'ij najij datthak shoo ohij! Gaa nankat ts'a' chuq choo kat haa deegwaht'oo gooveenjit googwantrii! Ch'anky'aa Tr'aanduu oodaa nakhwats'a' haazhii ts'a' lya zhyaants'ij t'inchy'aa, nahgwan gwizhrh gwii'ij geh'an."

¹³Nijin dragon dzaa nankat gwats'an cheet'eeriiheelnaii gwik'eenjik daj' zhit tr'injaa, tsyaa tsal ee'ij taji naatthak. ¹⁴Ajij tr'injaa nangwinjir gwa'an gwats'a' dahaandhal geenjit ch'izhin choo (large eagle) t'ee vant'eerinlii, 3½ years gahkhuyuk datthak dragon yahakhwaa gwats'ij' vik'eehaqantyaah geenjit. ¹⁵Ts'a' t'ee dragon dighit gwats'an chuq gwanlii haa tr'injaa gihleehahchyah geenjit. ¹⁶Gaa jii nan tr'injaa ts'iinya'; giighit nihky'aa goonjik ts'a' dragon vighit gwats'an chuq t'iizhik ajij teehittraa k'it t'iizhit. ¹⁷Dragon, ajij tr'injaa ts'a' zheelts'ij, ts'a' ajij tr'injaa ts'an deedhaa najij ts'a' nich'itsahthat geenjit zhat gihleehahchij, juu Vit'eegwijyahchy'aa deekhwa'in goovahnyaq ts'a' h'ideegwidlii haa Jesus jidii geegoovoohtin ajij geegwagwaandak najij t'arahnyaq. ¹⁸Ts'a' t'ee dragon chuq choh vee nadhat.

Nin Iizüq Ch'atthajin Choo Neekwaii

13 ¹Aijt'ēē t'ee nin iizüq ch'atthajin choh chüq choo zhit gwats'an tr'iinzhi na'in. Viji' ten gwanlii ts'a' viki' seven chan gwanlii, viji' ten kat k'eedeegwaadhat (crown) ts'eh doodlii ts'a' viki' seven kat chan Vit'eegwijyahchy'aa vinehts'i' giginkhii gwadanakhwat'oo. ²Aji nin iizüq ch'atthajin choh, leopard gwich'in, ts'a' shoh kwai' k'it t'inchy'aa chan di'ii, ts'a' lion ghit k'it t'inchy'aa chan di'ii. Dragon aji ch'atthajin dat'aih, jidii k'eedeegwaadhat ts'a' yakat doodii ts'a' k'eedeegwaadhat gwiintsii gwii'ii kwaii yant'eegwinlii. ³Aji nin iizüq ch'atthajin choh viki' ch'ihlak nehkaii gwint'oo nilii k'it t'inchy'aa haa khaiinjii gaa i'chii, gaa vakajii nizii neekhwadlit. Dzaa nankat datthak goovandaa t'igwiizhit ts'a' aji nin iizüq ch'atthajin choh taji gahaajil. ⁴Dragon aji nin iizüq ch'atthajin choh dat'aii ant'eiin'aji geh'an juu naji datthak deegiihi'ee ts'a' nin iizüq ch'atthajin choh chan deegiihi'ee. “Ch'ihlee gaa nin iizüq ch'atthajin choh k'it jiintsii kwaa t'oonchy'aa! Ch'ihlee gaa duuyeh khit ts'a' nich'itsahthat!” ginyaq haa deegiihi'ee.

⁵Vit'eegwijyahchy'aa, nin iizüq ch'atthajin choh jyaa dinyaq gwats'a' t'ahthan, nin iizüq ch'atthajin choh dee'ya' gwashoo'ahjii ts'a' geeginkhii aji Vit'eegwijyahchy'aa inehts'i' t'inyaq, ts'a' 42 months gahkhyuk k'eedeegwaadhat vats'an goodlit. ⁶Nin iizüq ch'atthajin choh aji Vit'eegwijyahchy'aa ts'a' zheekat ts'a' juu zhat gwich'ii naji datthak inehts'i' ginkhii naanai. ⁷Vit'eegwijyahchy'aa k'injiighit naji inich'itsyahahthat ts'a' gaiiigiioohahtsyaa geenjit vats'an goodlit ts'a' dinjii nihlehjuk neezheeneedijii, nahkat gwats'an gwich'in naji, ginjik nihlehjuk t'iichy'aa datthak ts'a' dinjii nihlehjuk t'iichy'aa datthak ts'a' k'eedeegwaadhat chan vats'an goodlii. ⁸Dzaa nankat dinjii naji datthak deegiiyah'aa, gaa zhit juu nan gweheelyaa gwehkii dai' gwandaii ndaanaj'aj' kwaa dehtly'aa kat voozhri' danakhwat'oo aji Divii Gii tr'eeikhwaii vats'an aji naji nakwaa.

⁹“Ch'oodqohk'ii, nakhwadzee gwanlii ji! ¹⁰Vit'eegwijyahchy'aa, juu tr'oonjii nindhan naji t'ee juu gootr'ii'ee naji googahoondal, ts'a' juu shrii choo veek'i' neekwaii gwanlii haa v'ehdaa tr'igwirehee'aa naji t'ee jyahts'a' gooreheeghaa t'oonchy'aa. Jii t'ee juu Vit'eegwijyahchy'aa k'injiighit naji khaiinjich'igiheeghit ts'a' digwik'injigwiighit akhagagoohonjyaa kwaa t'oonchy'aa.”

¹¹ Aïit'ëë chan ch'izhii nin iizüü ch'atthajin choh nankat gwats'an khaiinzhii na'in. Divii gii ji' tsal k'it t'inchy'aa neekwaii di'ji ts'a' dragon k'it ginkhii. ¹² Vehkii nin iizüü ch'atthajin choh kih k'eedeegwaadhat gwintsii gwii'ji aji gwat'aahchy'aa. Dzaa nankat gwich'in naji datthak aji nin iizüü ch'atthajin choh tr'ookit inli' gahah'aa goovahtsii, juu vakaaji niziji needhidlit aji t'ahnyaa. ¹³ Jii nin iizüü ch'atthajin choh second aji gwiindal gwahchy'aa gwinleji t'ii'in; zheekat gwats'an oodaa nankat gwats'an juu naji datthak andah ko' hijyaa gwahtsii. ¹⁴ Ts'a' jii nin iizüü ch'atthajin choh aji zhit tr'ookit nin iizüü ch'atthajin choh nilii andah gwiindal gwahchy'aa t'ihëe'yaa, aji't'ee tr'ookit nin iizüü ch'atthajin choh nilii aji vat'aii haa t'ihëe'yaa, aji haa dzaa nankat dinjii naji nan'ee. Aji nin iizüü ch'atthajin choh gwats'aji nilii dzaa nankat dinjii naji ch'ik'itiltsi' ohtsii ahnyaa, tr'ookit nin iizüü ch'atthajin choh nilii gahah'aa geenjit. Tr'ookit nin iizüü ch'atthajin choh nilii t'ee shriichoo veek'i' neekwaii gwanlii haa nehkaii dhidlit ts'a' neegwiindaii t'inchy'aa. ¹⁵ Nin iizüü ch'atthajin choh second nilii aji Vit'eegwijyahchy'aa t'aih yant'eiin'aji haa ch'ik'itiltsi' zhit dhazhol ts'a' gwandaii yiltsaji, giheekhyyaa ts'a' juu yihie' kwaa naji nin iizüü ch'atthajin choh second nilii gooheeghaa geenjit t'aih di'ji. ¹⁶ Nin iizüü ch'atthajin choh, dinjii naji datthak, juu natsal ts'a' nitsii, valaraa gwanlii ts'a' valaraa kwaa, slave nilii kwaa ts'a' slave nilii naji gwik'it t'ii'in goovahtsii, goovanli' shriits'aji akwat goovants'at kat tr'igwiheegwat geenjit. ¹⁷ Ch'ihlee gaa gookat nin iizüü ch'atthajin choh voozhri' akwat voozhri' geenjit tr'igweechyaa haa gwahahgwat kwaa ji' duuyeh ch'agookwat akwat laraa t'ji gwant'eegwigwili, t'iginchy'aa. ¹⁸ Jii t'ee gwik'eerahandal geenjit gwizhij t'eegwaahchy'aa, juu vigwizhi' gwanlii t'ee voozhri' geenjit gweheechyaa deegwinyaa gwik'eehaandal, aji tr'igweechyaa t'ee ch'ihlee oozhri' t'inchy'aa jii tr'igweechyaa t'ee 666 t'arahnyaa.

Divii Gii ts'a' Dinjii Yik'injiighit Najj

14 ¹ Aïit'ëë chan gwa'ya' akhai' Mount Zion kat Divii Gii tsal nadhat na'in; dinjii 144,000 aanchy'aa naji goovants'at kat voozhri' ts'a' Viti' voozhri' haa danakhwat'oo naji yaaneelzhii. ² Ts'a' zheekat gwats'an gwideezhuh dihtth'ak ddhah ts'an chüü gwint'aii haiinlaii k'it hahchik, nahtan gwint'aii

hahchik k'it hahchik. Dinjii na̱j̱j̱, harps haa ch'ililik gahtsii k'it t'igwinya̱. ³Dinjii 144,000 na̱j̱j̱, Vit'eegwiyahchy'aa ts'a' gwandaii doq (4) Vit'eegwiyahchy'aa iltsa̱j̱j̱ kwaii, ts'a' ch'anjaa kih dilk'ii 24 na̱j̱j̱ k'eedeegwaadhat ts'a' yakat doodii ehdaa nigeelzhii. Jii dinjii 144,000 na̱j̱j̱ ch'ililik k'eejit igiilii, geedan zhṟh giyaandaii reh. Dzaa nankat gwidinji' tee gwats'an geedan zhṟh Vit'eegwiyahchy'aa gooveenjit goiinkwat t'iginchy'aa. ⁴Jii dinjii na̱j̱j̱ t'ee tr'injaa haa gaachi̱ kwaa ts'a' shroodiinya̱ ginlii; ch'ihlok gaa tr'injaa haa ginchi' kwaa. Divii gii nijuk ahaa gwizhṟh ta̱j̱j̱ neegihiidal. Jii dinjii na̱j̱j̱ tee gwats'an Vit'eegwiyahchy'aa goovoonjik, ts'a' geedan t'ee tr'ookit Vit'eegwiyahchy'aa ts'a' Divii Gii haa ts'an giheelyaa. Gwanzẖh tr'ookit tr'eelsẖj̱ khaihlan niriinlii ts'a' Vit'eegwiyahchy'aa vats'a' ataiinjii tr'iltsa̱j̱j̱ k'it t'iginchy'aa. ⁵Ch'ihlok gaa goots'it ts'a' goovaagwiindaii kwaa; ɣyaa zhyaa gootr'agwaanduu gwakwaa t'iginchy'aa.

Zheekat Gwich'in tik (3) Na̱j̱j̱

⁶A̱j̱j̱t'ee̱ chan hee ch'izhii zheekat gwich'in oodak zheetii neehiniit'ee na' in, dzaa nankat gwidinji' nihlehjuk t'iichy'aa na̱j̱j̱ datthak, nahkat gwidinji', ts'a' dinjii neezheeneedijii ts'a' ginjik nihlehjuk t'iichy'aa na̱j̱j̱ datthak ts'a' Gwandak Niẕj̱ ndaaṉa̱a̱j̱ kwaa eegwagwahaandak geenjit. ⁷Gwideezhuh zhit gwint'aii jyaa nya̱; “Vit'eegwiyahchy'aa deehoh'ee ts'a' jiintsii geenjit deehoh'ee! It'ee dinjii na̱j̱j̱ oohaahkat geenjit nigwiindhat. Juu zheezhit, nankat, cẖu̱ choo, ts'a' nan zhit gwats'an cẖu̱ khaiinlaii gwiłtsa̱j̱j̱ a̱j̱j̱ deekhadhoo'ee!”

⁸Jii zheekat gwich'in second (2nd) a̱j̱j̱ tr'ookit zheekat gwich'in ta̱j̱j̱ ahaa ts'a' jyaa nya̱; “It'ee tr'injaa neet'aana̱j̱j̱! Babylon kwaiik'it gwachoo gwiintsii it'ee needagwaanaii! Dinjii na̱j̱j̱ datthak giijak cẖu' diṉj̱ ahtsii: a̱j̱j̱ tr'injaa vik'it ch'igiiṉj̱ da̱j̱ tr'agwaanduu deegoo'ya' giindhan datthak gwik'it t'igii'in!”

⁹Zheekat Gwich'in third (3rd) a̱j̱j̱ zhit v̱hdaa neekwaii na̱j̱j̱ ta̱j̱j̱ ahaa ts'a' gwint'aii jyaa nya̱; “Zhit juu nin iiẕu̱ ch'attẖj̱n choh deehi'ee ts'a' yik'itilts̱j̱ chan hi'ee ts'a' dagants'at akwat daganli' kat ch'attẖj̱n k'it gwakhwagwat na̱j̱j̱, ¹⁰geedan t'ee Vit'eegwiyahchy'aa khaiinjich'agoohahthat, ɣyaa gwint'oo zhyaants'̱j̱ gwik'it. Juu jyaa diizhit na̱j̱j̱ datthak ko' ts'a' sulfur zhit giheek'an haa gwint'oo khaiinjich'igiheeghit ts'a' zheekat gwich'in

shroodiinyaꝯ naꝯi ts'a' Divii Gii haa goovandah. ¹¹Ko' ts'an lat haa khainjich'igiighit aꝯi khit ts'a' khit geenjit k'iidak t'ii'in. Drin, toꝯ haa juu nin iizuꝯ ch'atthajin choh ts'a' vik'itiltsi' hi'ee ts'a' giiyoozhri' haa gookat gwahohgwat naꝯi gooveenjit gideegehee'al gwakwaa.”

¹²Jii datthak jyaa digwinyaꝯ t'igwinyaꝯ, dinjii naꝯi juu Vit'eegwijyahchy'aa deegwehee'yaa goo'aii diinahnyaꝯ aꝯi gwik'it t'igwii'in ts'a' tseenjyaa Jesus k'injiighit t'ee dinjii halchi' kwaa heelyaa gwizhrih. Geedan t'ee Vit'eegwijyahchy'aa vigii ginlii t'iginchy'aa.

¹³Aꝯit'eeꝯ zheekat gwats'an gwideezhuh jyaa nyaꝯ dihtth'ak, “Jii diint'oo, ‘Juk gwats'an juu K'eegwaadhat eenjit gwitr'it t'agwagwah'in geenjit nigiiindhat naꝯi shoo ool'i!”

Ch'anky'aa Shroodiinyaꝯ nyaꝯ, “Lyaa t'igwinyaꝯ! Googwitr'it gwagwantrii ts'an tr'eegeiheedaa, deegee'ya' geenjit gwit'ii goots'an gweheelyaa t'iginchy'aa.”

Vit'eegwijyahchy'aa Ch'oohahkat T'ee Gwanzhꝯh Khaihlan Nirilii K'it T'oonchy'aa

¹⁴Aꝯit'eeꝯ gwaꝯ'in, ts'a' zheek'oh daagajꝯ ts'a' dzaa nankat gwidinji' k'it viyiichy'aa zheek'oh kat doodii, viki' kat tseh doo'aii gold haa iltsajꝯ ts'a' jidii vaa gwanzhꝯh kharah'tii danli' zhit oota' naꝯ'in. ¹⁵Aꝯit'eeꝯ ch'izhii zheekat gwich'in Kharigidiinjii Zheh gwats'an chiinzhii ts'a' juu zheek'oh kat doodii ts'a' gwint'aii khaiitree ts'a' azhral, “Aꝯi nagwanzhꝯh vaa kharah'tii haa gwanzhꝯh khaiint'ii, it'ee zhat nigwiindhat geh'an; jii nankat it'ee gwanzhꝯh khareheelyaa geenjit deenzhrit k'it t'oonchy'aa t'oonchy'aa!” nyaꝯ. ¹⁶Aꝯit'eeꝯ juu zheek'oh kat doodii dagwanzhꝯh vaa kharah'tii oozhak nankat gwats'a' heeꝯnaii, ts'a' nankat khaihlan gwinzii nigwiinlii.

¹⁷Aꝯit'eeꝯ chan ch'izhii zheekat gwich'in zheekat Kharigidiinjii Zheh ch'liinzhii naꝯ'in, ts'a' gwanzhꝯh vaa kharah'tii jiiin chan oota'.

¹⁸Aꝯit'eeꝯ chan ch'izhii zheekat gwich'in, ko' ts'a' k'eegwaadhat, vakaii'aa chil'ee dha'aii, aꝯi t'eh gwanzhꝯh gwinzii vagwaatsan vakat daak'a' ts'an tr'iizhii. Zhit zheekat gwich'in gwanzhꝯh vaa kharah'tii veek'i' gwanlii oota' ts'a' gwint'aii khashraa'iintrat. “Aꝯi nagwanzhꝯh vaa kharah'tii haa jii nankat jak choo kwaii (grapes)

khanaht'ii, it'ee jak choo diniizhri' geh'an!" yahnyaq. ¹⁹Ts'a' t'ee zheekat gwich'in dagwanzhih vaa kharah'tii oozhak nankat val-hiitsik ts'a' jak choo deek'it gwats'an jak choo kwaii kхани't'uu, ts'a' Vit'eegwiyahchy'aa zhyaants'iij gwik'it jak choo tee ch'ahdq tyah zhit yahjil. ²⁰Aij jak choo, zhit jak choo tee ch'ahdq tyah kwaiik'it ohts'ajj goo'aii ts'an neeraangoo k'it t'iizhit ts'a' kwaiik'it gwachoo gwitee t'iizhit ts'a' jak choo tee ch'ahdq tyah ts'an dah tr'aankhaii, two hundred miles long ts'a' five feet deep aanchy'aa t'iizhit.

Zheekat Gwich'in Khaiinkqo Googwanrii T'ihē'yaa

15 ¹Aijit'ēē zheezhit gwiindal gwahchy'aa gwintsii geegwaragoolii kwaa gwa'in. Zheekat gwich'in seven najj googwanrii seven goontā, aij khaiinkqo kwaii, k'iighai' Vit'eegwiyahchy'aa khaiinkqo zhyaants'iij t'ihē'yaa geh'an.

²Aijit'ēē chuq choo nahdrin inju' gwaraah'in ts'a' kq' haa nihteerinjaa k'it t'inchy'aa na'in. Aijts'a' chan zhit juu Vit'eegwiyahchy'aa k'ingjiighit haa nin iizqu ch'atthajin choh ts'a' vik'itiltsi' ts'a' voozhri' ch'eechya haa danakhwat'oo kwaii gaiiyigwiktsajj najj chan na'in. Chuq choo nahdrin inju' gwaraah'in eeghaii, nagadhat, ts'a' Vit'eegwiyahchy'aa harps goovant'inlii gootā. ³Ts'a' Moses vich'ilik Vit'eegwiyahchy'aa vitsyaa, ts'a' Divii Gii ch'ilik kwaii igiilii:

“K'eegwaadhat, Vit'eegwiyahchy'aa jiiintsii,
nigwitr'it lyaa nizij ts'a' nitsii!

Nahkat gwats'a' k'eedeegwaadhat inlii,
nigwitr'it hi'didlii ts'a' gwik'it gwanlii!

⁴K'eegwaadhat juu najj datthak lyaa nahaanjat ts'a'
deenagahah'aa!

Juu dee nijiintsii zhyaa k'it t'ahoonjyaa?

Nan zhrih shroodiinyaq inlii.

Nahkat datthak nats'a' giheedaa

ts'a' Vit'eegwiyahchy'aa deenagahah'aa,

deen'in datthak hi'deegwidlii gwagwah'in geh'an.”

⁵Jii t'ēē zheekat Kharigidiinjii Zheh nihky'aa t'igwiizhit, aij gwizhit Zhee Gwadhah shroodiinyaq na'in. ⁶Zheekat gwich'in seven najj googwanrii seven goontā aij Kharigidiinjii Zheh gwats'an chigiinjil, ch'adak ik linen daagajj nizij ch'ahndit nagaazhii ts'a' goodrihtsii chan gwach'aa chyah gold nilii

dakhwachaa. ⁷Ajitt'ee aji gwandaii doo (4) Vit'eegwijyahchy'aa iltajii ch'ihlee zheekat gwich'in seven najii tyah ghoo gold seven zhit Vit'eegwijyahchy'aa zhyaants'ii deedaq'aji' goovant'eiin'ajii. Adan t'ee khit ts'a' khit geenjit gwandaii. ⁸Kharigidiinjii Zheh, lat needaangwat ajitt'ee Vit'eegwijyahchy'aa vich'eegwahndit ts'a' vat'aii haa ts'an t'igwii'in, ts'a' ch'ihlee gaa duuyeh Kharigidiinjii Zheh nihdaqkhahi. Dahthee googwantrii seven aji zheekat gwich'in seven najii zhak nigiinlii gehdaa tr'igwiheedhaa gwats'a'.

Tyah Ghoo Kwaii Zhit Vit'eegwijyahchy'aa Zhyaants'ii Deedaq'aji'

16 ¹Ajitt'ee gwideezhuh gwint'aii Kharigidiinjii Zheh gwizhit zheekat gwich'in seven najii ts'a' ginkhii dihtth'ak, "Oo'an hohjyaa ts'a' nankat gwats'a' tyah ghoo 7 zhit Vit'eegwijyahchy'aa zhyaants'ii gwak'aa nohjaa!" goovahnyaa.

²Tr'ookit zheekat gwich'in oo'an haazhii ts'a' nankat gwak'aa tyah ghoo naanjaa. Juu nin iizuu ch'atthajin choh oozhri' haa vakat gahagwat najii gookat gwakaii gwilts'ik, ts'a' juu yik'itiltsi' hil'ee najii chan gwik'it t'iginlik.

³Ajitt'ee zheekat gwich'in second nilii chan tyah ghoo chuq choh kat naanjaa. Aji chuq dinjii ichii dah gwich'in naanaii, ts'a' vizhit gwandaii nin datthak ichii.

⁴Ajitt'ee zheekat gwich'in third nilii chuq tyah ghoo zhit han gwinjik ts'a' nan ts'an chuq khainlaii kat neeyaanjaa ts'a' chuq kwaii dah naanaii. ⁵Aji zheekat gwich'in chuq ts'a' k'eedeegwaadhat jyaa nyaa dihtth'ak,

"Vit'eegwijyahchy'aa nan t'ee shroodiinyaa inlii,
khit nihk'it t'iinchy'aa,
deeni'yaa niindhan t'ee gwinzii ts'a' li'deegwidlii!

⁶Dinjii tr'aanduu najii Vit'eegwijyahchy'aa k'injiighit najii ts'a' Vit'eegwijyahchy'aa Eenjit Ginkhii najii k'aa dah neegaanjaa, ts'a' goovehdaa tr'igwigwiin'ajii.

Gwik'it t'agooroh'ya' ts'ajii gwik'it t'agoogah'in."

⁷Vakaii'aa chil'ee dha'aii, ajitt'ee gwanzhuh gwinzii vagwaatsan vakat daak'a' gwats'an gwideezhuh dihtth'ak,

"K'eegwaadhat, Vit'eegwijyahchy'aa jiiintsii!

Li'deegwidlii ts'a' gwinzii haa t'ee nan jyaa diindhan t'oonchy'aa!"

⁸Ajitt'ee zheekat gwich'in fourth nilii tyah ghoo drin oozhrii k'aa naanjaa, ts'a' drin oozhrii dahdrya' niindhaa dinjii najii

kat gaa gwichy'aa. ⁹Gwint!oo kq' dadrah haa niindhaa gookat gwichy'aa ts'q' Vit'eegwiyahchy'aa juu googwantrii t'igwii'in gwats'q' k'eedeegwaadhat voozhri' ts'an gwiizquu giginkhii. Gaa nihk'it datr'agwaanduu gwats'an lihts'eedagaa'ee kwaa ts'q' Vit'eegwiyahchy'aa jiintsii deegiihi'ee kwaa.

¹⁰Ajitt!e'e zheekat gwich'in fifth nilii tyah ghoo nin iizquu ch'atthajin choh k'eedeegwaadhat ts'q' yakat doodii k'aq neeyaanjaa. Nin iizquu ch'atthajin choh nijin gwats'q' k'eedeegwaadhat nigwiin'ee toq gwaazhraji nagwaanaji ts'q' it'ee shrit gookat gwits'ik ts'aji dinjii naji digikyaa gaa goo'aa, ¹¹ts'q' aji gookat gwakaii gwanlii gwits'ik geh'an, zheekat gwats'an Vit'eegwiyahchy'aa gwiizquu eeginkhii, gaa nihk'it tr'agwaanduu t'igii'in gwats'an lihts'eedagaa'ee kwaa.

¹²Ajitt!e'e zheekat gwich'in sixth nilii tyah ghoo oozhak Euphrates han gwachoo gwinjik gwakat neeyaanjaa. K'eedeegwaadhat choo (kings) naji, k'ach'ahah'ak gwats'an geedaa, aji naji zhak gwideetaa neegeheedaa geenjit han chuq kwaa goodlit. ¹³Ajitt!e'e ch'anky'aa iizquu tik (3), neeghaii gwigwich'in na'in. Dragon vighit gwats'an ch'ihlak tr'iinzhii, nin iizquu ch'atthajin choh vighit gwats'an chan ch'ihlee, ts'q' Vit'eegwiyahchy'aa eenjit ginkhii adaa'ii vighit gwats'an chan ch'ihlak tr'iinzhii. ¹⁴Jii ch'anky'aa iizquu naji gwiindal gwahchy'aa t'igih'e'yaa geenjit t'aih goots'an dhidlit t'iginchy'aa. Jii ch'anky'aa iizquu tik naji t'ee dzaa nankat datthak k'eedeegwaadhat choo naji khaihan nigih'eelyaa, Vit'eegwiyahchy'aa Jiintsii deehee'yaa goo'aii zhit drin nagwaanaji ji' nich'itsagahahthat geenjit.

¹⁵K'eedeegwaadhat jyaa nyaq, "Ch'oodqohk'ii! Dinjii ch'ih'een'ii geenjit neech'ahaan'ik k'it k'ineehidik t'oonchy'aa! Juu dhichii kwaa ts'q' dagwach'aa k'aqhtii t'ee vaashroonchy'aa, oozhii nilii geh'an duuyeh ts'ehdan dinjii gwanlii gwitee neehidik t'inchy'aa!"

¹⁶Ajitt!e'e ch'anky'aa iizquu naji, Hebrew ginjik zhit Armageddon goaazhii gwats'q' nahkat k'eedeegwaadhat choo naji gahaadlii.

¹⁷Ajitt!e'e zheekat gwich'in seventh tyah ghoo oodak datthak naanjaa. Kharigidiinjii Zheh gwizhit k'eedeegwaadhat ts'q' yakat doodii ts'an gwideezhuh gwint'aii jyaa dinyaq, "It'ee gwik'it goodlit!" nyaq. ¹⁸Nahtan kwan haadhak, gwideezhuh hahchik, ts'q' nahtan gwint'aii hahchik ts'q' nan gwint'aii daatrat. Tr'ookit dinjii tr'itsaji dai' gwats'an ch'ihlok gaa jyaa gwaht!oo nan daatrat

kwaa; jii t'ee tyaa gwandaa nan diltrat. ¹⁹Kwaiik'it gwachoo tik agwaan chy'aa nihtr'aanai ts'a' nahkat datthak, kwaiik'it gwachoo kwaii an goodlit. Babylon kwaiik'it gwachoo gwintsii chy'aa Vit'eegwiyahchy'aa ganaandaii, ts'a' dichuq tyah gwats'an jak chu' dini yiltsaji, zhyaants'ii gwats'an jak chu' t'arahnyaa. ²⁰Nankat njuu datthak k'igwaanai, ddah kwaii datthak k'igwaajil. ²¹Ch'anluh nitsii, ch'ihlak gaa hundred pound ahdi, oodaa zheezhit gwats'an dinjii naji kat ninjil, ch'anluh haa goovaa googwantrii geh'an Vit'eegwiyahchy'aa nehts'i' giginkhii, tyaa zhyaa goovaagowantrii geh'an.

Tr'injaa Iizuu Nili Vaagwiindaii

17 ¹Ajith'e'e ajii zheekat gwich'in seven ch'ihlee, juu tyah ghoo seven ch'ihlak oota' shats'a' haazhii, ts'a' t'inyaa, "Aanai, nats'aa tr'injaa iizuu nilii juu naji datthak yaandaii laraa eenjit dinjii haa dhichii khaiinjich'ihceeghit nats'a' gwagwahakyyaa, ajii kwaiik'it gwachoo gwintsii han gwinjik gwinleji gwats'an khainlaii geeghah goo'ajii ajii tr'injaa k'it t'inchy'aa. ²Nankat gwats'a' k'eedeegwadhat choo naji ajii tr'injaa eegaadii kwaa gaa giyaa inch'i, ts'a' dzaa nankat gwidinji' naji giyaa inch'i ts'a' jak chu' haa ch'anagahooni' k'it t'igii'in."

³Ch'ankey'aa Shroodiinyaa shizhit t'iizhit ts'a' deesho'ya' shoonyaa datthak gwik'it t'ishi'in, ts'a' zheekat gwich'in nangwinjir gwa'an gwats'a' shihichji. Izhit tr'injaa, nin iizuu ch'atthajin choh daatsik kat doodii na'in, ajii nin iizuu ch'atthajin choh vakat datthak Vit'eegwiyahchy'aa ts'a' inehts'i' gwiizuu ch'adanakhwat'oo; nin iizuu ch'atthajin choh viki' seven gwanlii ts'a' viji' 10 chan gwanlii. ⁴Ajii tr'injaa ik purple ts'a' scarlet naatsik daat'oo naazhii ts'a' gold nidiiltsi', kii daat'oo, ts'a' pearl kwaii haa iltsaji naatsuu. Danli' zhit chuq tyah gold zhit deegoo'ya' gwiindhan kwaa ts'a' gwiizuu ch'aatr'ilchuq datthak deeda'aji, ajii tr'injaa dee'ya' ajii tr'agwaanduu vats'an tr'iinjil.

⁵Tr'injaa vants'at kat ch'oozhri' danakhwat'oo, ajii deegwinyaa gaagwiindaii kwaa,

"Babylon kwaiik'it gwachoo,

tr'injaa laraa t'iji ch'aa'ilchuq naji ts'a' dzaa nankat gwats'an tr'agwaanduu oozhii gwahchy'aa t'igwii'in naji gwats'an adaa."

⁶Ts'a' ajii tr'injaa na'ya' ts'a', Vit'eegwiyahchy'aa k'injiighit naji, ts'a' juu Jesus k'it dinjii ginlii akhagagoonyaa kwaa geh'an gooringhan naji daa haa chan ch'anagahooni' k'it t'iginchy'aa,

Nijin naŀ'ya' daj' lya hoolghaa. ⁷“Jaghahi khogngghaa?” zheekat gwich'in shahkat, “Jii tr'injaa, veenaagwahaldak ts'a' zhit nin iizuu ch'atthajin choh neeyahahchik chan,” nin iizuu ch'atthajin choh viki' seven gwanlii ts'a' viji' 10 chan gwanlii. ⁸Ajii nin iizuu ch'atthajin choh gwehkij daj' gwiindaii t'inchy'aa, gaa juk gwandaii kwaa; t'ee niighit kwaa oozhak gwit'eh goo'aii kwaa gwats'an an heelyaa geenjit khaheehaa t'inchy'aa. Nan gweheelyaa gwehkij daj' gwats'an dzaa nankat dinjii naji oozhri' dehtly'aa kat juu gwandaii ndaanaa'aj' kwaa hee'lyaa naji oozhri' danakhwat'oo kwaa, naji zhit nin iizuu ch'atthajin choh gah'in ji' gahaaghal. Ch'ihlok gwiindaii, juk ajii gwandaii kwaa, gaa chan hee vineegwahahkyaa t'inchy'aa.

⁹“Jii t'ee gwizhij haa gaagwehendaii geenjit t'eegwaahchy'aa. Ch'iki' seven t'ee taih seven, ajii vakat tr'injaa doodii t'inchy'aa. Ajits'a' k'eedeegwaadhat choh (kings) seven chan t'inchy'aa. ¹⁰Vats'an ch'ihloanli' (5) naji neet'aanajii, ch'ihlak tth'aii k'eedeegwaadhat, ts'a' ch'izhii tth'aii oo'ee hahkhaii kwaa: nijn oo'ee haazhii ji' ch'ihlee gwizhrij k'eedeegwahaadhat t'inchy'aa. ¹¹Ts'a' zhit nin iizuu ch'atthajin choh gwehkij daj' gwiindaii gaa juk gwandaii kwaa, t'ee k'eedeegwaadhat eighth nilii, ajii seven naji tee ch'ihlee nilii ts'a' an heelyaa gwats'a' heekhaa t'inchy'aa.

¹²“Ajii ch'iji' ten nah'ya' t'ee k'eedeegwaadhat choo ten t'inchy'aa, gaa tth'aii hee k'eedeegwagwaadhat kwaa, ts'a' nin iizuu ch'atthajin choh haa one hour k'eedeegwagwahaadhat goots'an gweheelyaa. ¹³Jii ten naji datthak nihlik'it ninjich'agadhat t'iginchy'aa, ts'a' nin iizuu ch'atthajin choh, k'eedeegwahaadhat ts'a' t'aih ant'eegein'ajii t'iginchy'aa. ¹⁴Divii Gii ts'a' nich'itsigahthat, gaa Divii Gii ts'a' juu aanai ahnyaa naji, gwitee tr'agooriinlii, ts'a' gweedhaa datthak Vit'eegwijyahchy'aa k'injigiheeghit, k'eedeegwaadhat naji eenjit K'eegwaadhat ts'a' k'eedeegwaadhat choo naji eenjit K'eegwaadhat choo nilii geh'an Divii Gii gaiiyiigoogahahtsya.”

¹⁵Zheekat gwich'in t'ashahnyaa, “Zhit tr'injaa laraa eenjit ch'aadhichij dhidii, veeghaii han gwinjik gwinleij gwats'an khainlaii goodlii kwaii t'ee nihlehjuk nahkat, dinjii naji, dinjii nihlehjuk t'iichy'aa, ts'a' ginjik nihlehjuk t'iichy'aa. ¹⁶Ajii ch'iji' ten nah'ya' ts'a' nin iizuu ch'atthajin choh haa tr'injaa laraa eenjit ch'aadhichij eet'igiindhan kwaa; jidii di'ij datthak giits'i'

ooheendal ts'á' ts'ehdan nigiihahchyaá, giittháì' hee'aa ts'á' kò' haa an giiahtsyaa. ¹⁷Nihłaa gwitr'it t'agwagwah'in k'iighai' Vit'eegwijyahchy'aa doo'ya' gavoonyaa gwik'it t'igihee'yaa, ts'á' nijin Vit'eegwijyahchy'aa deegweheenjyaa nyaá àìì gwik'it gweheelyaa gwats'á' àìì nin iizųų ch'attháìin choh dagat'aii ant'eeğiin'àiì.

¹⁸“Àìì tr'injaa nah'ya' t'ee kwaiik'it gwachoo dzaa nankat gwats'á' k'eedeegwaadhat choo nàìì ts'á' k'eedeegwaadhat t'inchy'aa.”

Babylon Kwaiik'it Gwachoo An Goodlit

18 ¹Àììt'èè t'ee ch'izhii zheekat gwich'in zheekat gwats'an oodaa ahaa nał'in. K'eedeegwaadhat nitsii di'ìì ts'á' vich'eegwahdrii haa dzaa nankat datthak ch'eegwahndit nagwaanàìì. ²Gwideezhuh haa gwint'aii khadhazhral: “Tr'injaa it'ee àìì tr'injaa neet'aanàìì! Babylon kwaiik'it gwachoo an goodlit! Ch'ankey'aa iizųų, àììts'á' deetraya' k'it t'inchy'aa choo ch'attháì' ilchìì ajyaa nihłehjuk daazhyaa tthaiitr'aanjik ts'á' dinjii gooveet'igwindhan kwaa zhrì' kwaii yizhit gwich'ìì. ³Nahkat datthak àìì Babylon tr'injaa vajak chų' geenì' k'it t'igii'in, àììt'ee tr'agwaanduu gwizhrìh t'asho'ya' gwindhan gwats'an jak chų' t'inchy'aa. Dzaa nankat gwats'an k'eedeegwaadhat choo nàìì datthak giyyaa gwiizųų nigwii'àiì ts'á' dinjii nàìì ch'ookwat ts'á' laraa t'ìì gwant'eeğwahjii nàìì tth'aii hee khit ch'aatr'oochì' gindhan haa goolaraa gwanlii.”

⁴Àììt'èè zheekat gwats'an gwideezhuh jyaa nyaá dihtth'ak, “Gihłeekhwajyaa, shigii nàìì, àìì tr'injaa vats'an gihłeekhwajyaa!
Tr'agwaanduu t'ii'in vik'it t'akhwa'ya' shrò';
khaiinjich'iheeghit àìì vaa khaiinjich'akhwaghit kwaa geenjit!

⁵Vatr'agwaanduu, oodee zheekat gwats'á' naa'ài' t'inchy'aa, ts'á' Vit'eegwijyahchy'aa gwiizųų t'ee'ya' datthak yinaandaii t'inchy'aa.

⁶Deenakhwah'ya', àìì nakhwant'ee gwik'it t'oh'in, dee'ya' datthak neekwaii gwagwaanachy'aa gwik'it t'oh'in. Vichųų tyah deeda'ài' ts'á' neekwat agwaanachy'aa nint'aii chan ohtsii,

ajj jak choh chu' vaa khaiinjich'iriighit nakhwant'eiinkaii
gwik'it.

7 Khaiinjich'iighit ts'a' gwint'oo tr'igwidii haa vant'oh'ajj,
jidii ch'eegoonzhrii ts'a' gwihil'ee adats'an gwiiltsajj gwik'it.

Jii jyaa adaanyaq:

'Dzaa k'eedeegwaadhat choh (queen) va'at k'it doiidii!

Shakaj' gwanlii kwaa,

ts'a' ch'ihlok gaa duuyeh veenjit tr'igwihdii'

8 Izhit geh'an drin ch'ihlak vats'a' jyaa digweheenjyaa t'inchy'aa,
ts'ik nihlehjuk daazhyaa, tr'igwidii,

ts'a' shih kwaa vanagwahaadhal,

ts'a' kq' zhit heek'an,

Vit'eegwijyahchy'aa t'ee jiintsii nilii geh'an yuuhahkat."

9 Dzaa nankat gwats'a' k'eedeegwaadhat choo najj tr'agwaanduu
zhrih t'agoo'ya' giindhan ts'a' ajj tr'injaa laraa eenjit ch'aadhichijj
haa tr'oochi' giindhan, gwik'it t'igee'ya' najj lyaa kwaiik'it
gwachoo gwak'aa gwint'oo giheetree nijin ajj tr'injaa kq' haa
ak'an ts'an lat gah'in ji'. 10 Oo'at niighit nagahaazhyaa, giiyaa
khaiinjich'igiighit gitr'igii'ee geh'an. Jyaa diginyaq,

"Lyaa googwantrii!

Lyaa gwiizqu!

Jii Babylon kwaiik'it gwachoo gwiintsii!

One hour gwideezhat khaiinjich'inighit!"

11 Dzaa nankat dinjii ch'ookwat ts'a' laraa t'ijj gwihilii najj gaa
giiyeenjit tr'igwidii ts'a' gitree, ch'ihlee gaa goots'an ch'ookwat
kwaa geh'an. 12 Ch'ihlee gaa goots'an kii daat'oo, gold, silver,
ts'a' pearl kwaii ookwat kwaa; ts'a' chan gwach'aa nizijj, linen,
purple cloth, silk ts'a' scarlet gaa gookwat kwaa; dachan nihlehjuk
daazhyaa ts'a' k'aiich'ii ivory nihlehjuk daazhyaa haa iltsajj, ts'a'
dachan daat'oo haa iltsajj, bronze, iron, ts'a' kii marble nilii
gaa gookwat kwaa; 13 ts'a' cinnamon, spice, incense, myrrh, ts'a'
frankincense; jak chu' ts'a' oil, huh ts'a' t'ooli' nilshijj, aak'ii
lejij, ts'a' divii lejij, ts'a' khał choo, hajj choh haa tr'eelil, dinjii
slaves nilii najj, gaa gookwat kwaa. 14 Dinjii ch'ookwat akwat
laraa t'ijj gwihilii najj tr'injaa t'agahnyaq, "Jidii ashoo'i' niindhan
datthak vini'i' kwaii k'igwaajil, ts'a' jidii vaa gwintsii neegoo'aii,
ts'a' jidii vaa gwinzii niyiichy'a' datthak hiljii, ts'a' duuyeh chan
vineegwah'ajj t'oonchy'aa!" giiyahnyaq. 15 Dinjii ch'ookwat akwat

laraa t'ij gwihilii, aij kwaiik'it gwachoo gwizhit jyaa dii'in haa valaraa gwanlii, najj oo'at niighit gwa'an hee nigieedhat, giyaa khainjich'agooghit giindhan kwaa geh'an, tr'igwigwehedii ts'a' giheetree, ¹⁶ ts'a' t'igiheenjyaa;

“Deegwaht'oo googwantrii!

Kwaiik'it gwachoo eenjit deegwaht'oo googwantrii,
gwach'aa daat'oo, linen purple, ts'a' scarlet (red),
ts'a' gold nindal aahchy'aa, kii daat'oo,
ts'a' pearl kwaii naazhii chy'aa.

¹⁷ Ts'a' one hour gwideezhat jidii daat'oo kwaii datthak ch'akwaa goodlit!”

Tr'ihchoo choo neehahlat gwats'a' k'eedeegwaadhat ts'a' juu dinjii yizhit neehiidal, aij tr'ihchoo zhit gwitr'it t'agwah'in ts'a' juu chuq choo kat gwats'an laraa daatsii najj gaa oo'at niighit gwa'an nigeelzhii, ¹⁸ ts'a' nijin tr'injaa ahk'an gwats'an lat gah'in dai' gwint'aii khashraagiintrat: “Ch'ihlok gaa jii kwaiik'it gwachoo gwik'it kwaiik'it gwachoo gwin'ee kwaa!” ginyaa. ¹⁹ Tr'igwigwidii ts'a' gitree haa luh digiki' kat neegiinjaa ts'a' jyaa diginyaa,

“Deegwaht'oo zhyaa gwagwantrii!

Kwaiik'it gwachoo eenjit lyaa gwagwantrii!

Jii kwaiik'it gwachoo t'ee tr'ihchoo choo neehiilak ts'a' giits'an laraa daatsii haa goolaraa gwanlii t'oonchy'aa!

Ts'a' one hour gwideezhat zhyaa datthak an goodlit!”

²⁰ Zheekat najj, shoo qhlij, jii tr'injaa an dhidlit geh'an! Datthak ts'a' shoo qhlij, Vit'eegwijyahchy'aa k'injiighit najj, Tr'ihie'e' najj, ts'a' Vit'eegwijyahchy'aa Eenjit Ginkhii najj! Nakhwats'a' deelya' geh'an Vit'eegwijyahchy'aa yigweeshii t'inchy'aa!

²¹ Ajjitt'ee zheekat gwich'in nint'aii kii oonjik, kii tyah vat'an ch'iighoo vakai'aa ahtsii oonjik ts'a' oondaa chuq choo zhit gwats'a' yihiinaai, jyaa nyaq gwiizhit, “Jyahts'a' t'ee Babylon kwaiik'it gwachoo gwint'aii neegwahadhal ts'a' chan ch'ihlok gaa neegwarahaan'yaa kwaa t'oonchy'aa. ²² Harp, ch'ihlok gaa ch'ilik ahtsii tr'ieeth'ak kwaa, dinjii gwideezhuh haa ch'ilik ahtsii, akwat juu flutes ts'a' trumpet kwaii ach'ahhii chan nats'an neegwireheetth'ak kwaa! Dinjii nihlehjuk gwitr'it t'agwah'in gaa nats'an neegwarahaan'yaa kwaa; ts'a' nats'an millstone haa t'ooli' naranghoo chan neegwireheetth'ak kwaa t'oonchy'aa! ²³ Khwaii daak'a' adrii nizhit neerahaan'yaa kwaa; dinjii nihleerachjii

gwideezhuh gaa duuyeh nats'an neeriith'ak. Nats'an dinjii ch'ookwat najj ðyaa nankat datthak giint'aii, ts'q' dazhan haa dzaa nankat dinjii neegan'ee!"

²⁴ Vit'eegwiyahchy'aa Eenjit Ginkhii najj ts'q' Vit'eegwiyahchy'aa k'injiighit najj goodaa zhat kwaiik'it gwachoo gwizhit agwarah'ajj geh'an Babylon khaiinjich'ahohthat, aaha', juu dzaa nankat datthak dilkhwaajj najj gaa eh'an khaiinjich'ahohthat.

19 ¹ Jii t'ee zheekat gwats'an dinjii lejje najj zheefnyaa gwiith'ak, jyaa diginyaq,

“Vit'eegwiyahchy'aa deerahoh'ee,
neediinahshii, vich'eegwahndit, t'aih jiintsii di'ii!”

Gwinyaq.

² “Ch'oohahkat t'ee hi'didlii ts'q' gwinzii!

Tr'injaa laraa t'ij ch'aadhichij, dzaa nankat gwiizqu gwahtsii,
gwiizqu zhrih t'oo'ya' nindhan ajj chy'aa neet'aahnajj.

Vit'eegwiyahchy'aa khaiinjich'eeylthat,

Vit'eegwiyahchy'aa vitsyaa najj dilkhwaajj geh'an.”

³ Chan hee gazhral,

“Vit'eegwiyahchy'aa deerahoh'ee!

Kwaiik'it gwachoo gwak'an gwats'an lat k'iidak t'ii'in t'ee
khit ts'q' khit geenjit t'ii'in!”

⁴ Ch'anjaa kih dilk'ii ²⁴ najj ts'q' Vit'eegwiyahchy'aa gwandaii doq (4) iltsajj najj haa, Vit'eegwiyahchy'aa k'eedeegwaadhat ts'q' yakat doodii ts'q' nikiigwigwiintthaii. Ts'q' jyaa diginyaq

“Amen, gwik'it gooli! Vit'eegwiyahchy'aa deerahoh'ee!”

Divii Veegwarahchij Neech'aga'aa

⁵ Ajjith'ee zhit k'eedeegwaadhat ts'q' yakat doodii ts'an gwideezhuh jyaa nyaq,

“Divit'eegwiyahchy'aa vitsyaa najj,

juu yik'injiighit najj datthak,

ntsii ts'q' natsal najj, datthak deegiihoh'ee!”

⁶ Ajjith'ee dinjii lejje azhral k'it t'igwinyaq gwiith'ak, ddhah ts'an chqu gwint'aii ninlaii hahchik, nahtan niighyuk gwint'aii hahchik k'it t'igwinyaq.

Jyaa diginyaq gwiith'ak,

K'eedeegwaadhat Diivit'eegwiyahchy'aa jiintsii t'ee,

K'eedeegwaadhat choo nilii, geh'an deerahoh'ee! Gwinyaq.

⁷Shoo tr'ooli' ts'a' shroonchy'aa gwarohtsyaa,
deegwaht'oo jiintsii deerahoh'ee!

It'ee Divii Gii veegwarahahchyaa nigwiindhat ts'a' aji
veerahahchyaa ch'ada'i' hee shreedaazhit t'inchy'aa.

⁸Gwach'aa linen daagaji nizii ch'ahndit nahaazhyaa geenjit
vant'eerinlii t'inchy'aa.”

(Gwach'aa linen t'ee Vit'eegwijyahchy'aa k'injiighit naji gwinzii
googwitr'it gwiinli' geenjit).

⁹Ajii't'ee zheekat gwich'in t'ashahnyaa; “Jii gwidiint'oo: Juu
Divii Gii veegwarahahchyaa gwats'a' heekhaa varahnyaa naji
shoo ooli'.” Ts'a' chan zheekat gwich'in jyaa neediinyaa, “Jii t'ee
Vit'eegwijyahchy'aa viginjik hi'didlii kwaii t'inchy'aa.”

¹⁰Vakwaiichan nikii gwiintthaii, deehoo'ee geenjit akhai'
t'ashahnyaa, “Jyaa dini'in kwaa! Juu gwik'injiighit naji ts'a' nan
haa nakhwaa Vit'eegwijyahchy'aa vi-slave ihii, juu Jesus jidii
gwigweel'kii hi'deegwidlii oonta' ts'a' Vit'eegwijyahchy'aa deehi'ee
naji haa datthak.”

Jidii hi'deegwidlii Jesus gwizhrh' nigwii'aji, t'ee
Vit'eegwijyahchy'aa Eenjit Ginkhii naji Vit'eegwijyahchy'aa eenjit
geegigeekhyaa geenjit t'aih goots'an goodlit.

Laji Choh Daagaji Vakati Dinjii Doodii

¹¹Ajii't'ee zheekat nihky'aa t'igwiizhit gwa'in, ts'a' laji
choh daagaji na'in. Vakati doodii t'ee hi'deegwidlii ts'a' khit
Vit'eegwijyahchy'aa eenjit ginjik hi'didlii varahnyaa: Li'deegwidlii
haa ch'oahkat haa nich'itsahthat. ¹²Vandee ko' ts'an kwankyaa
k'it t'inchy'aa, ts'a' viki' kat k'eedeegwaadhat ts'eh leji naa'ahi.
Vakati ch'oozhri' danakhwat'oo, gaa adan zhrih deegwinyaa
t'igwinyaa gaandaii. ¹³Ch'adak ik naatsuu vakati dah zhrih nilii.
Voozhri' t'ee “Vit'eegwijyahchy'aa viginjik.” Oozhii. ¹⁴Zheekat
niveet'ah'in naji, laji choh daagaji kat digeel'kii ts'a' ch'adak ik
linen daagaji nizii ch'ahndit nilii nagaazhii naji giitaji neehiidal.
¹⁵Vighit gwats'an shrii choo veek'i' neekwaii gwanlii tr'aanai,
aji nahkat yaa gaiiyigwahahtsyaa. Ch'iitsii ts'ik jyah haa goots'a'
k'eedeegwahaadhat, ts'a' jak choo tyah vizhit jak choo tr'adoq,
aji't'ee Vit'eegwijyahchy'aa jiintsii zhyaants'ii haa dakwai' haa
gootreegwahaht'an t'inchy'aa. ¹⁶Vach'adak ik kat ts'a' vaddhoo
kat haa ch'oozhri' danakhwat'oo, “K'eedeegwaadhat choo naji

ts'a' K'eedeegwaadhat nilii ts'a' k'eedeegwaadhat naʒi chan ts'a' K'eedeegwaadhat nilii.”

¹⁷Aʒiitʼeʒ zheekat gwich'in drin oozhrii kat nadhat naʒin, Deetrya' k'it t'inchy'aa choo ch'atthaj' iłchij ayyaa oodak zheetii neehiniit'ee naʒi ts'a' gwint'aii azhral, “Aanaai, dzaa khaihlan nɔhyyaa Vit'eegwijyahchy'aa gwintʼoo ch'arehee'aa gwahtsii ch'ahoh'aa geenjit!” nyaʒ. ¹⁸“Aanaai, dzaa k'eedeegwaadhat choo naʒi, niveet'ah'in naʒi ts'a' k'eedeegwaadhat niveet'ah'in naʒi, ts'a' goolaiin choo (horses) ts'a' juu yakat doodii, dinjii nihłehjuk t'iichy'aa naʒi datthak, slave nilii, ts'a' slave nilii kwaa, juu gwintsii veegoo'aii ts'a' gwintsal veegoo'aii naʒi datthak gootthaj' oh'aa!” goovahnyaʒ.

¹⁹Aʒiitʼeʒ nin iizuu ch'atthajin choh ts'a' nankat K'eedeegwaadhat choo naʒi ts'a' gooniveet'ah'in naʒi khaihlan nigijnjil naʒin, zhit łajj choh kat doodii ts'a' viniveet'ah'in naʒi ts'a' nich'itsagahahtat geenjit. ²⁰Dinjii, łajj choh kat doodii, aʒi nin iizuu ch'atthajin choh ts'a' Vit'eegwijyahchy'aa eenjit ginkhii adaa'ij naʒi giyandah gwiindal gwahchy'aa t'igee'ya' naʒi oonjik ts'a' zheh gwaazhraʒi nagoovinlii. (Jii gwiindal gwahchy'aa t'ii'in haa dinjii nan'ee ts'a' goovants'at kat gwakhwagwat ts'a' nin iizuu ch'atthajin choh ts'a' nikiigwah'ee naʒi.) Aʒiit'ee nin iizuu ch'atthajin choh ts'a' Vit'eegwijyahchy'aa eenjit ginkhii adaa'ij naʒi van kɔ' sulfur haa daak'a' zhit goorahahdaa, t'iginchy'aa. ²¹Gooniveet'ah'in naʒi, zhit juu łajj choh kat doodii vighit gwats'an shrii choo veek'i' neekwaii gwanlii tr'aanaai haa gooviłkhwaʒi, ts'a' Deetrya' k'it t'inchy'aa choo ch'atthaj' iłchij ayyaa datthak deegwahtʼoo gootthaj' tr'oo'aa giindhan gwik'it gootthaj' giin'al.

Thousand Years Ch'ihłak

20 ¹Aʒiitʼeʒ zheekat gwich'in zheekat gwats'an k'iidaʒ ahaa naʒin ts'a', dantʼee oozhak gwit'eh goo'aii kwaa gwilidlii ts'a' ch'iitsii tly'ah haa oota' naʒin. ²Dragon zhit yeena daj' gwats'an gyuu choo t'inchy'aa oonjik, aʒiit'ee Ch'ankey'aa Tr'aanduu, Satan oozhii ts'a' thousand years ch'ihłak gahkhyuk ch'iitsii tly'ah haa giylchaa. ³Zheekat gwich'in oozhak gwit'eh goo'aii kwaa gwizhit t'eeyaahnaii, yits'ooghaii lidlij ghoo nin'aʒi ts'a' nihłeeyildzii, thousand years ndaagwahaj'aa gwats'a' nahkat dinjii naʒi nehan'ee kwaa geenjit. Aʒiitʼeʒ ch'ihłee gwatsal dineeraheen'ak t'inchy'aa.

4 A̱iit'ēē k'eedeegwaadhat ts'a' yakat doodii kwaii nał'in, ts'a' juu yakat doodii na̱i ch'oogahahkat geenjit t'aih goovant'eerin'a̱i. Juu tr'eelkhwa̱i na̱i goovanky'aa chan nał'in, Jesus jidii gwigweelḵi a̱i hi'didlii haa geegwagwaandak geh'an ts'a' Vit'eegwijyahchy'aa viginjik chan. Nin iizuu ch'atthaj̱in choh gihil'ee kwaa akwat vik'itiltsi', akwat dagants'at kat, akwat daganli' kat gii yuuzhri' dagaant'oo kwaa geh'an. Neegwigwiindaii ts'a' K'eedeegwaadhat choo k'it Christ haa thousand years ch'ihlak nigeelzhii. 5 Jii t'ee tr'ookit dinjii niindhat na̱i neegwiindaii t'oonchy'aa. (Zhit ch'izhii niindhat na̱i thousand years geht'ee goodhat a̱iit'ēē hee neegwigwiindaii.) 6 Vit'eegwijyahchy'aa gooveenjit gwinzii t'iizhit geenjit dinjii juu niindhat ts'a' tr'ookit neegwigwiindaii shoo gooli'. Ch'icẖi' goots'a' k'eedeegwaadhat kwaa k'it t'iginchy'aa geh'an duuyeh chan nigighit t'iginchy'aa. Vit'eegwijyahchy'aa ts'a' Christ haa eenjit ginkhii giheelyaa ts'a' thousand years gakhhyuk datthak goovaa k'eedeegwagwahaadhat t'igiinchy'aa.

Satan Gaiiyidhidlit

7 Thousand years ch'ihlak geht'ee goodhat a̱iit'ēē, Satan, nijin dakhwachaa gwats'an tr'eerahahchyaa, 8 ts'a' dzaa nankat gwa'an nahkat datthak an-nihlik goodlii neegwahan'ee, a̱i nahkat kwaii t'ee Gog ts'a' Magog goozhii. Satan datthak nich'itsagahahthat geenjit khaihlan nagoheelyaa, chu̱ choo vee needdhak gwanlii k'it, jyaa daanchy'aa na̱i khaihlan niheelyaa. 9 Nankat datthak gwit'eegiheedaa ts'a' Vit'eegwijyahchy'aa k'injiighit na̱i nijin gwigwich'i̱i ts'a' Vit'eegwijyahchy'aa kwaiik'it gwachoo geet'iindhan haa eelin nigiheedaa. Gaa zheekat gwats'an ḵ' t'iizhik haa an gaadlii. 10 A̱iit'ēē zhit Ch'anky'aa Tr'aanduu, tsinteegooveelḵi, oozhak van ḵ' daak'a' ts'a' sulfur zhit t'eeraahnaii, nijin nin iizuu ch'atthaj̱in choh ts'a' Vit'eegwijyahchy'aa eenjit ginkhii adaa'i̱i ch'ada̱i' hee gwizhit t'eegoorahnaii a̱i gwizhit; ts'a' drin, ṯ̱ geenjit khit ts'a' khit geenjit khaiinjich'igiheeghit geenjit.

Khaiinkq̱ Ch'oorahahkat

11 T'ēē k'eedeegwaadhat ts'a' yakat doodii daagaj̱i nał'in ts'a' zhit juu yakat doodii chan nał'in. Nankat, zheekat haa giits'i' an

galhiłjil ts'a' neegooraa'ya' kwaa. ¹² Ts'a' iłchij nąjį nał'in, nitsii, ts'a' natsal haa nihk'it t'iichy'aa nąjį, k'eedeegwaadhat ts'a' yakat doodii ęhdaa nigeelzhii. Dęhtly'aa lat nihky'aa t'inchy'aa ts'a' ch'izhii dęhtly'aa chan nihky'aa t'inchy'aa, ąjįt'ee khit gwandaii ndaanąą'ąjį' kwaa dęhtly'aa. Niinjik nąjį deege'ya' gwik'iighai' goorahkat haa dęhtly'aa zhit danakhwatł'oo. ¹³ ąjįt'ęę juu chųų choo zhit niinjik nąjį goovahahkat geenjit Vit'eegwijyahchy'aa ts'a' nigiiinjil. Ch'ichį' ts'a' ch'ichį' deek'it nąjį ch'ichį' goontą' gwantł'eegiinlii ts'a' datthak deege'ya' gwik'iighai' goorahkat. ¹⁴ ąjįt'ęę ch'ichį' ts'a' ch'ichį' deek'it haa oozhak van kọ' daak'a' zhit gwats'a' goorihįjil. (Jii van kọ' daak'a' t'ee second time niriidhat t'oonchy'aa.) ¹⁵ Zhit juu khith gwandaii ndaanąą'ąjį' kwaa hee'ya' geenjit jii dęhtly'aa zhit voozhri' danakhwatł'oo kwaa nąjį oozhak van kọ' daak'a' zhit gwats'a' goorihįjil.

Zhee, Nan Haa K'eejit Neekhwadlit

21 ¹ Zhee, nan haa k'eejit neekhwadlit gwał'ya'. Tr'ookit zhee ts'a' nan goodlit kwaii k'igwaaajil ts'a' chųų choo chan hiłjii naanaii. ² Ts'a' Kwaiik'it Gwachoo Shroodiinyaą, k'eejit neekhwadlit, Jerusalem goozhii, zheezhit k'iidaą Vit'eegwijyahchy'aa vats'an daadhalał' in, tr'injaa tr'oohaanjik, k'it gwach'aa naazhii, dakai' hah'ya' geenjit. ³ K'eedeegwaadhat ts'a' yakat doodii ts'an gwideezhų gwint'aii hahchik dihtth'ak: "Juk Vit'eegwijyahchy'aa t'ee dinjii nąjį haa t'inchy'aa, goovaagweheechy'aa ts'a' Vit'eegwijyahchy'aa vigii giheelyaa. Vit'eegwijyahchy'aa adan goovaheelyaa ts'a' Goovit'eegwijyahchy'aa chan heelyaa. ⁴ Goovandee ts'an treechų' ach'ahahjii. Ch'ichį' chan heekwaa, tr'igwidii, akwat tr'itree akwat diishran'ee kwaii gweheekwaa. K'eejit nilii kwaa kwaii k'igwaaajil."

⁵ ąjįt'ęę zhit juu k'eedeegwaadhat ts'a' yakat doodii ąjį kat doodii jyaa nyąą, "Ts'a' juk jidii datthak k'eejit needhałtsąjį!" Shįj chan t'ashahnyąą, "Jii diintł'oo, jii ginjik t'ee hi'didlii ts'a' khaan vit'injihohchy'aa t'inchy'aa."

⁶ Ts'a' jyaa nyąą, "It'ee gwik'it goodlit! Shįj t'ee tr'ookit ts'a' khaaiinkọq t'ihchy'aa, tr'ookit ts'a' ndaagwaa'ąjį' ihhii. Juu ch'ihlee chųų dahłjį jii' zhit chųų ninlaii ts'an khith gwarandaii gooheekwat kwaa ts'a' chųų giheenjyaa. ⁷ Juu tr'aanduu gaiiyyigłtsąjį nąjį jii shats'an gooheendal t'oonchy'aa: Goovit'eegwijyahchy'aa hihłyaa

ts'á' geedan chan shigii giheelyaa. ⁸Gaa juu Vit'eegwijyahchy'aa eenjit gwitr'it t'agwahah'yaa geenjit naajat, juu diigwik'injigwiighit akhagoonyaa, ch'aaheechyaa gwizhr̄h gininjich'ahthat, dinjii aghan, gwiiz̄uú ch'aagil̄ch̄uú, juu dazhan zhit dinjii haa tr'agwah'in. Juu ch'ik'itilts̄i' ts'á' khagidiinjii, ts'á' gwint'oo oots'it n̄aj̄j datthak zhit van k̄o' daak'a' ts'á' (sulfur) deek'it khaiinjich'igiheeghit gooveenjit goo'aii, āj̄j'ee tr'ookit niriindhat gwats'an chan niriindhat t'agwarahnyaa. (Jii van k̄o' daak'a' t'ee second time niriidhat t'oonchy'aa.)”

Kwaiik'it Jerusalem K'eejit

⁹Zheekat gwich'in 7 n̄aj̄j ts'an ch'ih̄lee, 7 tyah ghoo tsal zhit 7th gwiiz̄uú gogwantrii deedaq̄'aj̄i' di'j̄j. Shats'á' haazhii ts'á' jyaa nyaa, “Aanaii, zhit tr'injaa, Divii Gii tsal yahoondal nats'á' gwagwahahchy'aa gwah'in.” ¹⁰Ch'an̄ky'aa Shroodiinyaa shizhit t'iizhit ts'á' deesho'ya' shoonyaa datthak gwik'it t'ishi'in ts'á' zheekat gwich'in, ddhah kiit'ik niighit deeshil̄ch̄j̄j. Jerusalem kwaiik'it gwachoo shroodiinyaa, k'iidaq̄ zhee zhit Vit'eegwijyahchy'aa vats'an daadh̄al shats'á' gwigweel̄k̄j̄j, ¹¹ts'á' Vit'eegwijyahchy'aa vich'eegwah̄ndit haa adrii. Kii drinh daat'oo vinju' ch'aadrii k'it t'inchy'aa, kii Jasper (daatsik ts'á' green) ts'á' crystal nahdrin ts'á' vinju' gwaraah'in k'it t'inchy'aa. ¹²Kwaiik'it gwachoo geelin tthał nitsii needhe'ee āj̄j gwizhit gihdeintin ch'ih̄l̄ok daatin ts'á' neekwaii (12) gwanlii āj̄j zhit zheekat gwich'in 12 n̄aj̄j gwak'aq̄htii nilii. Āj̄j tthał gihdeintin choo kat Israel nahkat gwats'an 12 neezheedijii n̄aj̄j goovoozhri' vakat danakhwat'oo. ¹³K'ach'aha'ak ts'āj̄j nihdeegweedii tik goo'aii, ts'á' yeedihjyaa chan nihdeegweedii tik, ts'á' yeenihjyaa chan nihdeegweedii tik ts'á' zhat neech'ee'aa ts'āj̄j chan nihdeegweedii tik goo'aii ¹⁴Kwaiik'it gwachoo gweelin tthał niin'ee āj̄j kiighoo tyah choo 12 kat dagoo'aii, āj̄j kat Divii Gii eenjit Tr'ih̄i'le' 12 n̄aj̄j oozhri' danakhwat'oo.

¹⁵Āj̄j zheekat gwich'in shats'á' khaginkhee āj̄j vaagwagoohaadri' gal kii gold haa ilts̄aj̄j haa kwaiik'it gwach'oohadri', gweelin tthał khyuú ts'á' nihdeegweedii haa gwach'oohadri' geenjit haltin. ¹⁶Āj̄j kwaiik'it gwachoo tthał niin'ee datthak gwiinzii nihk'it gwadoohadri', k'iidaq̄ dahjyaa gwik'it gwagwahjyaa, zheekat gwich'in dii gwach'oohadri' haa kwaiik'it gwadoohahdrya'

gweelin gwikhyuü ts'ajj 1500 miles nilii, k'iidak ts'ajj chan 1500 miles nilii. ¹⁷Zheekat gwich'in zhit gweelin tthał niin'ee chan gwadoohahdri' ts'a' k'iidak ts'ajj 216 ft. nilii. Nijin vaa gwagoorihildri' haa gwadoohahdri' daı'. ¹⁸Kwaiik'it gwachoo gold vakat shraıh kwaa, vinjyaa'yaa gwinzii vinju' gwaraah'in k'it t'inchy'aa haa gwiltsajj ts'a' ajj gweelin tthał niin'ee kii chan Jasper oozhii haa gwiltsajj. ¹⁹Ajj kwaiik'it gwachoo gweelin tthał niin'ee ajj kii daat'oo nihłehjuk t'iichy'aa haa gwiltsajj kat dagoo'aii, tr'ookit kii Jasper oozhii kat dagoo'aii, ajjt'ee gwats'ajj kii ch'aht'oo sapphire oozhii tik gwats'ajj chan kii agate oozhii. Gwats'ajj dıq chan kii dats'an t'oo (green) emerald oozhii. ²⁰Ch'ihłoanli' dagoo'aii chan kii zhraıh onyx oozhii, nihk'iitik (6th) dagoo'aii chan kii Carnelian oozhii, ch'ats'ateets'ij neekwaii (7th) chan kii atsıq quartz oozhii, nihk'iidıq (8th) chan kii beryl oozhii. Vanchoh nak'ah kwaa (9th) chan kii topaz oozhii, ch'ihłoodaatin (10th) chan kii chalcedony oozhii, ch'ihłoodaatin ch'ihłak(11th) chan kii turquoise oozhii ajjt'ee ndaagwaa'ajj ch'ihłoodaatin ajjts'a' neekwaii (12th) kii amethyst oozhii. Jii kii kwaii datthak kat dagoo'aii gwiltsajj. ²¹Nihdeegweedii, gich'ideiintin ch'ihłoodaatin ajjts'a' neekwaii (12) ajj kii pearl oozhii kwaii haa gwiltsajj, jii pearl ch'ihłak haa zhrıh gwiltsajj. Ajj kwaiik'it gwachoo gwizhit tajj gwin'ee gold vakat shraıh kwaa haa gwizhrıh gwiltsajj, vijyaa'yaa vinju' gwaraah'in k'it t'inchy'aa. ²²Ajj kwaiik'it gwachoo gwizhit Kharigidiinjii Zheh łaa gwał'in kwaa, Vit'eegwijyahchy'aa K'eegwaadhat jiintsii ts'a' Divii Gii najj haa gwakharigidiinjii zheh geenjit giinlii geh'an t'oonchy'aa. ²³Jii kwaiik'it gwachoo shree drin nee'aa akwat tıq oozhrii haa t'aahchy'aa kwaa, Vit'eegwijyahchy'aa vich'eegwaındit vak'aa adrii geh'an ts'a' Divii Gii chan khwaiidaak'a' geenjit nilii. ²⁴Dzaa nankat gwidinjii najj ajj adrii k'iighai' gwigweheendaii, ts'a' nankat dinjii k'eedeegwaadhat choh najj chan jidii gwintsii geegoo'aii kwaii zhat kwaiik'it gwachoo nideegiheelyaa ts'a' gwahaat'oo. ²⁵Kwaiik'it gwachoo gweelin tthał niin'ee, nihdeegweedii drin datthak gehdeiintin kwaa ts'a' duuyeh gehdeedigichij, zhat tıq gweheekwaa geh'an. ²⁶Dzaa nankat, gwanahkat datthak jiintsii ts'a' jidii gwintsii geegoo'aii kwaii zhat kwaiik'it gwachoo nideegiheelyaa ts'a' gwahaat'oo. ²⁷Gaa jidii shroodiinyaa kwaa

duuyeh aji kwaiik'it gwachoo nihdahkhahi, akwat juu oozhii gwahchy'aa t'ii'in akwat oots'it haa ginkhii naji gaa t'arahnyaq. Zhit juu Divii Gii dehtly'aa kat voozhr'i danakhwat'oo naji gwandaii ndaanaq'aji' kwaa dii'iji zhrjh jii kwaiik'it gwachoo nihdeehedaa t'igwinyaq.

22 ¹Ajitt'ee aji zheekat gwich'in han gwinjik gwandaii ndaanaq'aji' kwaa haa ninlaii shats'a' gwigeekji, aji chuu lyaa nahdrin ts'a' kii crystal k'it vinju' gwaraah'in, ts'a' nijin Vit'eegwijyahchy'aa ts'a' Divii Gii tsal haa k'eedeegwaadhat ts'a' yakat doodii t'eh gwats'an tr'aanaii. ²Ts'a' kwaiik'it gwachoo gwizhit taji gwiin'ee gwat'an k'iindaa han ninlaii. Aji han nihts'iji dachan vakat jak (ts'iivii) gwandaii ndaanaq'aji' kwaa nahshii. Shree drin zhit ch'ihloaatin ts'a' neekwaii (12) agwaanchoy'aa vakat gwaqshii. Vat'an chan nahkat datthak giyya gwinzii ideenjit gwagwahahtsyaa geenjit giit'aahchy'aa. ³Zhit jidii datthak Vit'eegwijyahchy'aa vinehts'ij' nilii duuyeh aji kwaiik'it gwachoo gwizhit agwarah'aji.

Vit'eegwijyahchy'aa k'eedeegwaadhat ts'a' yakat doodii ts'a' Divii Gii tsal haa aji kwaiik'it gwachoo gwizhit t'igiheechy'aa ts'a' Vit'eegwijyahchy'aa vitsyaa naji giits'a' khagigeheeyaa ts'a' deegiihah'aa. ⁴Giinin hah'yaa ts'a' goovants'at kat voozhr'i danaheet'oo. ⁵Tqo gwehekkaa ts'a' khwaiidaak'a' akwat drin oozhrii haa t'eegahahchy'aa kwaa, Vit'eegwijyahchy'aa K'eegwaadhat aji gooveenjit adrii heelyaa geh'an, k'eedeegwaadhat choo (King) k'it khit ts'a' khit geenjit k'eedeegwahaadhat.

Jesus Needyaa!

⁶Ajitt'ee zheekat gwich'in t'ashahnya', "Jii ginjik t'ee hi'didlii ts'a' gwik'injigweheeghit t'oonchy'aa. Ts'a' Vit'eegwijyahchy'aa K'eegwaadhat, Dach'anky'aa Shroodiinyaq zhit juu Vit'eegwijyahchy'aa Eenjit Ginkhii naji ant'eeyin'aji. Juu yeenjit gwitr'it t'agwah'in naji jidii niight kwaa deegweheeyaa goots'a' gwagwahahchy'aa geenjit zheekat gwich'in goots'a' hi'ee t'inchy'aa."

⁷"Ch'oodoqh'iji!" Jesus nyaq, "Niight kwaa nineehidyaa t'oonchy'aa, zhit juu jii Vit'eegwijyahchy'aa Eenjit Ginkhii dehtly'aa zhit ginjik deegweheenjyaa geeginkhii k'eegwahthat naji shoo ooli!"

⁸Shij, John, t'ee jii kwaii datthak gwiihtth'ak ts'a' gwa'ya'. Nijin gwiihtth'ak ts'a' gwa'in gēhdaa tr'agwaanaii dai', zheekat gwich'in shats'a' gwigwiikij vakwaiichan nat'aalnaai, deeha'aa geenjit. ⁹Gaa t'ashahnyaa, "Gwik'it t'anooya' shro! Shant'ee nihk'it Vit'eegwijyahchy'aa veenjit gwitr'it t'agwah'in ts'a' noondee Vit'eegwijyahchy'aa Eenjit Ginkhii naji ts'a' zhit juu Dēhtly'aa Choh zhit ginjik k'eegwahthat naji t'ihchy'aa. Vit'eegwijyahchy'aa vats'a' khagidiinjii ts'a' deehoh'ee." ¹⁰Ts'a' t'ashahnyaa, "Jii dēhtly'aa zhit Vit'eegwijyahchy'aa Eenjit Ginkhii deegweheenjyaa geegiginkhii aji nagoh'ii shro, deegweheenjyaa goo'aii aji gwats'a' nahgwan geh'an t'ihnyaa. ¹¹Juu tr'agwaanduu vigwitr'it gwanlii tth'aii nihk'it tr'agwaanduu gwitr'it t'agwah'in ts'a' juu ch'izhii dinjii naji haa tr'agwaanduu ch'anigwii'aii naji tth'aii nihk'it t'igihee'yaa; juu gwinzii t'ii'in tth'aii nihk'it gwinzii vigwitr'it gweheelyaa, ts'a' juu shroodiinyaa nilii tth'aii nihk'it shroodiinyaa heelyaa goo'aii."

¹²"Ch'oodoqhk'ii!" Jesus nyaa. "Niighit kwaa nineehihdyaa t'oonchy'aa! Jidii gwinzii gaiiyiigwadhohtsaii, hadhal'aii nakhweenjit dahaak'eeh'at t'oonchy'aa nakhwateegwagwaanchy'aa ts'a' nats'ahts'a' nakhwagwitr'it gwiinli' aji gwik'it nakhwateehihlyaa t'inchy'aa. ¹³Shij t'ee tr'ookit ts'a' khaiinkoo t'ihchy'aa, tr'ookit ts'a' ndaagwaa'aji ihii.

¹⁴"Juu dach'adak ik k'eech'ahtryaa geh'an jak dachan ts'an jak vaa gwarandaii ndaanaa'aji kwaa gihee'aa ts'a' kwaiik'it gwachoo gweelin ttha' needhe'ee nihdeehedaa naji shoo ooli'. ¹⁵Aji kwaiik'it gwachoo gwats'a' chigweedii geh'at gwa'an juu ch'aaheechyaa zhrih gininjich'ahthat naji, ts'a' juu dazhan dinjii haa tr'agwah'in naji, juu geedhidii gaa ch'aadhichij ts'a' juu dinjii aghan, juu ch'ik'itiltsi' ts'a' khagidiinjii, ts'a' juu ginjik akwat digwitr'it zhit oots'it naji dilk'ii.

¹⁶"Shij, Jesus t'ihchy'aa, jii kwaii tr'igiinkhii zheh gwizhit shizheekat gwich'in nakhwaagwagwahaandak geenjit nakhwats'a' goohool'ee t'oonchy'aa. David vizhehk'aa gwats'an needijii ihii; vanh sa' ch'ahndit chan ihii."

¹⁷Ch'ankey'aa Shroodiinyaa ts'a' Tr'injaa tr'oohaanjik haa jyaa ginyaa; "Aanaii!"

Juu jii gwiihtth'ak naji datthak chan jyaa giheenjyaa gwizhrih, "Aanaii!"

Aanaai! Juu chųu dahłıı naıı, ts'a' jii gwandaii ndaanaa'ąı'
 kwaa gwats'an chųu dinıı naıı zhyaa giyuunjiı naıı. Juu
 chųu yiindhan naıı zhrih t'aihnyaa.

¹⁸Shıı, John t'ihchy'aa, juu naıı datthak jii dehtly'aa zhit
 Vit'eegwijyąhchy'aa viginjik diitth'ak naıı haa gwahaldak
 gwak'qohtii! Deegweheenjyaa gwinyaa geenjit gineech'idarahkhan
 ji', Vit'eegwijyąhchy'aa ąıı gwiizuų gooveenjit dagwanakhwat'oo
 ąıı gwik'it khaiinjich'igiheeghit t'iginchy'aa. ¹⁹Ts'a' jii
 Vit'eegwijyąhchy'aa viginjik ts'an deegweheenjyaa gwinyaa
 gihęegahaadlii ji', Vit'eegwijyąhchy'aa zhit jak dachan gwandaii
 ndaanaa'ąı' kwaa dinjii haa tr'agwah'in ch'ihee'aa kwaa goots'an
 gwahahtsyaa ts'a' kwaiik'it gwachoo shroodiinyaa jii dehtly'aa
 zhit nats'ąą gwiltsąıı gwinyaa nihdeegiheedaa kwaa goots'an
 gwahahtsyaa jii kwaii gooęegweheelyaa t'oonchy'aa.

²⁰Juu hi'didlii haa jii kwaii geeginkhii naıı jyaa ginyaa,
 “Łyaa, niighit kwaa k'ineehihdik t'oonchy'aa!” Gwik'it gooli'
 K'eegwaadhat Jesus, aanaai!

²¹K'eegwaadhat Jesus vich'eegoonzhrii juu naıı datthak haa
 oolı'.